

2  
IEHOVA VINDEK,

fiue

# DE REBVS GAL- LICIS:

NARRATIO PRIMA,

*Iacobo Franco differente.*




Psal. CXVIII.

A DOMINO factum est istud: & est  
mirabile in Oculis nostris.

*Vox Iubili & salutis in tabernaculis Iustorū:  
Dextera DOMINI res praclaras egit:  
Dextera DOMINI superior fuit:  
Dextera DOMINI res praclaras egit.*

BREMÆ,

*In Typographia Bernhardi Petri,  
ANNO M.D.XC.*



IEHOVA VINDEXT SIVE  
DE REBUS GALLI-  
CIS NARRATIO  
PRIMA.



GALLIA hodie omnis duas in partes scissa est. Vna, eorum qui leges, quibus Francorum Regnum constitutum, supra Christiana Regna omnia, adoleuit olim atq; floruit, sacrosanctas esse volunt. Altera eorum, qui res novas querant, hominum egentium & facinorosorum: quorundam etiam cæca superstitione furentium. Illis Rex caput: Caput iustum & legitimum: His familia Guisium: insertum caput, & monstrosum, dignum suo corpore.

Gallia in partes diuisa.

Sed illi qui Regis legumq; auctoritatem inuiolatam volunt, in duas & ipsi partes diuisi sunt: Eorum, qui Deo magis obediendum, quàm hominibus censent: à Deo, & saluo Dei iure, Regi præstanda officia seruitiaque omnia. Horum caput & Dux Henricus Rex Nauarræ; primus Regij Francorum sanguinis Princeps: & hodie Regni successionis proximus. Hugonotos hos vocant. Alij à Rege legitimo, toti pendent, quicumq; tandem ille sit, futurusve sit. Politici hi, & Regij vocantur. Guisiani, à coniuratione olim ad Euangelij veritatē, id est, Christum orbe Christiano tollendum inita, Coniurati dicuntur.

Hugonoti.

Politici? Cōiurati

Sed de Guisianis, rem vt altius latiusq; repetam, res ipsa postulat: & video obscuriorem esse his locis eorum originem: & ingenium eorum plerosq; aut ignorare, aut dissimulare.

Guiflorū.  
ort' & in-  
cremen-  
ta.

Guifia familia, Francisco primo imperante, primum è Lotharingia, in Gallium pedem intulit, egens. Creuit, solita Regum, populique Gallici in externos benignitate, ad opes amplas: quas deinde, malis artibus & flagitio immensum auxere. Vastus animus, (quod de Catilina proditur,) immoderata, incredibilia, nimis alta cupiebat. Regna, prouincias, quibuscum fuerunt aliquando affinitate coniuncti, tanquam sibi debita, inflatus vanà atq; improba spe animus appetebat. Sic Hierosolymitanum, sic Siculum, sic Neapolitanum, palàm titulis suis adscribunt. Sic Danicum sibi deberi: iniuste & per vim ab alijs occupari, haud obscure fremunt. Sic Gallicum, quod gens Capetia, annos ampliùs sexcentos, iusto clementiq; imperio tenet, Caroli Magni posteris restitendum, olim etiam libris editis & confectis generis sui descriptionibus, imprudenter contendunt.

Franciscus  
Guifius  
Cladij.F.

Franciscus Guifius, imperante Henrico II. expeditionem Italicam auidè petijt, suscepitq;: Regnum Neapolitanum palam Regi Henrico, re autem vera sibi petens. Inde nuptias Scotiae Reginae, quae erat ei ex sorore neptis, cum Francisco Franciae Delphino conciliauit: vt ea ratione, & auctoritatem in Regno suam firmaret, & sibi suisque, comparata auctoritate, viam

ad

ad Regnum inuadendum faceret. Deus iam  
tum, præcipuos Regij sanguines Principes, Re-  
gni proceres non paucos, è Nobilitate & plebe  
quam plurimos, ad veritatis Euangelicæ cogni-  
tionem vocauerat. Cardinalis, Guisij illius frater, Cardinalis Guisij  
homo varius & subdolos, cum crescere  
medios per ignes, Euangelicorum numerum  
cerneret, insinuare se aliquando, animis eorū,  
ficta pietate, studuit: Sperans faciliè per tantam  
multitudinem, moueri aliquid in Gallia posse.  
Sed cum illos à rebus nouis alienos, pietati de-  
ditos, Principibus suis, quorum nonnulli pie-  
tatem haud fictè sequebantur, addictos, cerne-  
ret, aliud sibi capiundum consiliū censuit.  
Dignum videbatur posteris Caroli Magni, qui Caroli  
Princeps abominationem in templum DEI in- M. poste-  
duxisset, abominationem eandem tueri: Eius ri.  
prætextu, Principum Regij sanguinis, non au-  
ctoritatem modo labefactari, sed vitam etiam,  
in periculum vocari posse: Regnum proceribus  
& Nobilitate & ciuibus bonis dispoliari: Re-  
gis Augustam Maiestatem infringi; & illum  
obedientiæ zelum, quo fuit hactenus plebs no-  
bilitasq; Gallica, illustris, extinguere. Ita Regni Ciuiiliu  
veluti vacuam & destitutam possessionem inua- bellorū  
di. Hoc animo excitata in Galliā ciuilia bella, causa.  
& Principes sanguinis aliquot, & è Nobilitate  
proceribusq; plurimos è plebe innumeros vi-  
ros bonos fortesq; hauserunt. Vbi bellicæ ra-  
tiones parū succedebant, Pacis nomen indu-  
ctum, sub quo cædes horrendæ, crudeliter atq;  
perfidiosè patrata.

Henricus  
Guifius  
Fræifei f.  
Liga.

Sed Francifcus, de quo dixi, Guifius, Carolo nono imperante, apud Aurelianum ic̃t<sup>9</sup>, iacta vidit fpei fuæ fundamenta. Succellit vanitati eius atq; audaciæ, non autem bellicæ virtuti, Henricus filius. Cuius egregia indoles, Magistro Cardinale patruo creuit. Sub hoc, Coniurationis (quam Ligam vocant) iacta dudum femina, in lucem prodierunt. Ea inter Pontificem, Hispanum, Italiæ proceres, Lotharingos (in quibus Guifij) Sabaudum, aliosq; Principes magnos, quos hic reticeo, ad veritatis lucem extinguendam, atq; Imperia legitima subuertenda inita primùm eft. Hispano debellanda Anglia: Guifio Gallia committitur: Sabaudum Geneva & Heluetij cōmendantur: alijs alix, veluti prouinciæ, assignatæ.

Sed Guifio, Regnum Galliæ, quàm Religio magis cordi eſſe. Deberi hoc familiæ fuæ, iam dudum palâm prædicabat: facili & annuente Pontifice, qui à Caroli Magni poſteris ſcilicet, dignitatis fuæ reſtitutionem atq; amplificationem ſperaret. Dicam obiter. Religioni atq; pietati, (vt illa ſæcula ferebant) præ ceteris ad dicta ex animo ſemper fuit Capetia gens, ſed Pontificum dominationi infeſta.

Igitur ille impatiens moræ, atq; regnandi incredibili cupiditate ardens, dum ſe Hispanus in Angliam præparat, erumpit Anno 1585.

Hui<sup>9</sup> po-  
ſtremi  
belli oc-  
caſio.

Alenſonio mortuo, Rex Nauarræ Henricus, ſucceſſionē Regni proximus & iure ipſo & iudicijs omnium notabatur. Huius inſignes maturasq; virtutes Guifius oderat metuebatq; Accedebat

cedebat Hispanus instigator, qui ne Belgio animum Galli ferio adijcerent, valde verebatur: & Nauarrenum, cui Regna aliquot detinet iniuste, quàm minimum esse cupiebat. Itaq; implicare Galliam bello inexplicabili, & eo Nauarrenum obruere cupiebat. Post multa Regna, varijs artibus, iure iniuriâ, occupata, cætera quæ rapere iisdem artibus non potest, ea, ne ad Monarchiam Orbis properantem fortè morentur, turbare atq; ciuilibus dissensionibus euertere, propositum illi. Itaq; Guisum satis suoapte ingenio furem magis magisque accendit: pecunias sumptui pollicetur, numerat.

Iam titulus bello quæritur. Regnum Gallicum palàm petere, etiam ipsi, quamuis Caroli Magni nepoti, videbatur durum nimis. Nec tulissent ingenia Gallica. Religionis specie imponendum erat vulgo. Hinc Pontifex operam suam cõmodat. In Regem Nauarræ tanquam hæreticum, fulmen suum dirasq; contorquet: vano ictu, & in auctoris caput redituro. Tonat in templis, & cælum terræ miscent Concionatores: Natio hominum inquires, & turbandis imperijs nata. Dominatione ipsi sibi quærunt: quam, stantibus legimis Imperijs, obtinere nõ possunt. Itaq; mouent semper aliquid, miscentque: vt turbidis rebus publicis, res ipsi suas sensim promoueant. Horum se animis insinua- uerat Guisus: & per hos plebeculæ, muliercularumq; animos, & superstiticas mentes sibi in omne scelus deuinxerat. Hi Nauarrenum insectantur clamose, Guisij pietatem, fortitudinem,

Hispani  
animus.

Belli titulus  
Religio-

Rex Nauarræ ex-  
communi-  
catur à  
Papa.

Concio-  
natores.



& dignam Imperio formam extollunt publicè, Regem ipsum perstringunt obliquè: tanquam ignauum, dissimulatorem, superstitionibus deductum differunt.

Itaque scelestis armis Religio obtenditur: Guisus se persecutorem, Religionis non Catholicæ proficitur. Cardinalis Borbonius, velut sequentis fabulæ Prologus, in Scenam producit. Eius & Principum Catholicorum nomine scriptum publicatur: quo successioni Regni tempestiuè prospiciendum monent, ne ad hæreticum (ita Nauarrenum vocant) deuoluatur: Addunt speciosa quædam & grata in vulgus, de Nobilitatis dignitate conseruanda, de plebe, quæ nimis exactionibus premeretur subleuanda. His titulis, arma capiunt, duce, uti ferebant, Cardinale Borbonio, quem hominem Septuagenarium, Regi qui annum ætutis quadragesimum nondum attigerat, successorem designabant. Adeo cupidi Imperij mortales sunt, ut id vel vltima senectus etiam cum suorum iniuria, auidè petat.

Regis Na  
uarræ in-  
signis mo-  
deratio.

Hic verò memorabilis est Regis Nauarræ prudentia, pietas, animi magnitudo. Nam, quod de successionem Regni postularent: etsi nouum esset, viuo Rege & valente, de successore quærere: etsi in Gallia ita constitutæ leges essent, ut certus indubitatufq; successor, superstitie stirpe Regia, semper esset: posse tamen ista, si dubia essent, Ordinum liberis sententijs permitti: & eorundem auctoritate Nobilitati, suam dignitatem, plebi, suam libertatem, si im-  
minu-



minutæ essent, restitui. Causam Religionis ad Concilium pertinere : cui se ipse submittat. Non armis aut vlla vi, veritatem intrudi; sed rationibus atque argumentis veluti instillari. Sed si Guisio, qui auctor horum motuum esset arma tantopere placerent : non ideo turbandam Galliam, nec tantum Christiani fundendum sanguinis septimum Francorū Regij sanguini Principem, cum ipso, qui ne cum minimo quidem Regio Principe vlllo modo conferendus esset, decertaturum tamen : & quoniam peti se ab ipso videat, corpore suo certamen cum ipso dirempturum. Sed illis legitimæ rationes non placebant : Vi eò perueniendum erat, quò eis nullus iure patebat aditus. Et vitæ suam, Regno seruandam Guisius satis delicatulè iudicabat.

Rex Navaræ Guisio certamen offert.

Guisius vitæ quàm existimationi suæ cōsulendū putat.

Arma itaque in ipsum Regem expediunt. Cùm præcipitanter egisse animaduerneret; nec, saluo rege Navarræ, in ipsum Regem tentari quicquam posse, quod ex ipsorum usu esset : Regi, nescio quibus artibus, reconciliantur. Eius auctoritate, atque opibus subuerti paucis mensibūs Regem Navarræ posse. Eo perduto, nihil ob stare quo min⁹ de ipso Rege statuerent.

Bellū Guisij in Regē.

Pax.

Igitur arma in Navarrenum mouentur. Mittuntur in eum exercitus Regij septem : qui diuersis locis imparatum aggredierentur : & auxilijs penè omnibus destitutum, opprimerent. Præerat præcipuæ copiarum parti Marni⁹, Guisij frater : qui trimestri deleturum se Navarrenum, & omnes tota Gallia Hugonotos profligatu-

Bellum in Navarrenū vertitur.

Navarrenus Dr⁹ adest.

gaturum, iactitabat. Solus Nauarrenus, pænè triennium, tot hostium tantas vires sustinet. Nullus ei Anglus, nullus Heluctius, null<sup>9</sup> Germanus in auxilijs: Galli pauci aderant. Sed erat cum ipso DEVS: quia & ipse, cum DEO. Illi pugnant, oppugnant: nihil expugnant.

Nauarreni  
Pietas,  
Prudentia,  
Fortitudo  
incompa-  
rabilis.

Nauarrenus, cui insignis pietas, admirabilem prudentiam & inuictū animi robur pepererat, vrbes capit non paucas: hostem profligat, non semel. Ita illi, tantis viribus, nihil agunt: hic, nullis viribus, multa magnaq; peragit. A DEO hoc eertè: qui, vt semel ex nihilo creauit cuncta: ita & cottidiè ex nihilo admiranda in oculis nostris perficit. Iam quadriennium Nauarrenus, grauissimum onus ceruicibus sustinet, nec succumbit: imò nec fatigatur. Iam quadriennium, bellum impar excipit, nec vincitur: imò vincit. Dicam quod res est. Centies cum hoste ipse congressus est: nunquam victus, semper victor. Centies cum hoste manum ipse cōseruit: hostes quam plur. mos vulneribus afflixit, manu cepit, morti dedit: Ipsi adhuc intactum vulneribus corpus. Gaude, Henrice Rex Nauarræ: sub vmbra Omnipotentis habitas! Nolim præterire, quod Rex ipse in eo scripto profitetur, quo Mænium, rebellem & læsæ Maiestatis reum, publicè declarat, quodque mihi compertum aliunde satis est: Guisium, atque ipsum adeò Hispanū de fœdere cum Rege Nauarræ tractationem instituere voluisse: conditiones amplas atque magnificas proposuisse:  
Omni-

Omnibusque modis eius amicitiam expetisse.  
Sed illi nulla cum impijs amicitia, nullum fo-  
cus. non, si mōtes dent aureos, & Regna mun-  
di ostentent.

Tandem, post multorum varios labores, <sup>Exercitus</sup> magnis sumptibus, tanquam ingenti machina, <sup>Germanic⁹</sup> educitur in Galliam è Germania numerosus <sup>in Galliam</sup> exercitus: qui Nauarrenum, Regijs exercitibus <sup>anno 1573.</sup> pressum, & diu laborantem liberaret. Hic, dum cum hoste Nauarrenus certat, & expedire se impeditus conatur: dum ad Contrasium cum Ioieusio pugnat: (vnde memorabilis illa atque vnica Euangelicorum, à tot seculis, inter tot nationes Euangelicas, victoria) Hic, inquam, exercitus miserè dilapsus, ruinâ suâ, magnum malum rebus Gallicis dedit.

Guisio, ne quid apertè in Regem moueret, vnus Nauarrenus hætenus obstat: Vnus tot annos Regem, Nauarrenus saluus, seruat. Iam desperatas, illo casu, res Nauarrenas Guisius putat. Falsus: Non enim Nauarreno in equitibus & curribus, sed in Deo, spes: & ex ea, certa salus. Iam & Hispani in Angliam apparatus, de quo supra dixi, expeditioni paratus videbatur. Itaq; duplici fiducia, ingens facinus, nec auditum in Gallijs vnquam, aggreditur Guisius. Regē capere, & custodiæ monachali mandare, aut vita priuare, parat: inde sibi Regnum asserere. Multa ad hoc illi tota Gallia, iam dudum callidè comparata. Iam armatos Lutetiam clàm inducit: Plebem, quam Concionatorum opera habebat in manu, ad seditionem suscitatur.

Guisij au-  
dax confi-  
lium in Re-  
gem.

**Facinus.**

Guiss<sup>o</sup> Re-  
gem agit.

Regi recō-  
ciliatur.  
Ordines  
indisti.

scitat. Rex, periculum videt: nec mederi po-  
test: igitur Lutetia confestim excedit. Guisius  
fidem Parisiensium satis expertus: etsi elapsum  
sibi Regem dolebat: Regiè loqui, scribere:  
magistratus viros bonos & Regi fidos, abroga-  
re: factiosos supponere: loca urbis munita præ-  
sidiis suis firmare: pecunias Regias pro arbitrio  
tractare: Omnia denique pro Rege agere. Co-  
gitare nihilominus qua ratione Regem com-  
prehenderet. Excusat se apud Regem, sed ita,  
vt, non subditum, cum Rege, sed Regem cum  
subdito, etiam abiectissimo loqui diceres. Res  
tandem componitur. Dies locusq; dicitur, quo  
regni ordines conueniant. Ibi, Regis Ordini-  
umque sententia Nauarrenum successionem  
regni indignum iudicatum iri, Guisius non du-  
bitat. Ex eo, futurum in potestate sua Regem  
Regnumque.

Parantur ad conuentum Ordinum, omnia.  
Guisius suos, per prouincias dimittit, qui pre-  
cio, precibus, minis, vel qua alia ratione Giui-  
um, Nobiliumque libertatem corrumpere,  
vt scilicet, homines suarum partium, cum  
mandatis, quæ præscribebat ipse, ad conuen-  
tum mitterentur.

Sabaudus.

Dum rebus suis in Gallia Guisius intentus  
est, Sabaudus qui & sibi spoliū ē iacente Gal-  
lia petit, Salutensem Marchionatum occupat.  
Infelix puer. Sed eum castigandum Bernati-  
bis relinquo.

Classis Hi-  
spanica.  
Iob. 4.

Interim, cum classe Hispanica D E V S ē cœ-  
lo pugnat. Afflatu D E I perierunt, & à vento  
iræ eius absorpti sunt. Non

Non terretur Classis Hispanicæ infelici suc-  
 cessu Guisus. Trahebat eum ad pœnam DEVS. Ordinum  
conuentus.  
 Conueniunt Blasius Ordines : Ordines Guisij  
 veneno tincti. Ad Guisij nutum omnia compo-  
 nuntur. Iam summæ Regni dignitates, ei fra-  
 tribusq; decernuntur. Iam Regni ipsius admi-  
 nistratio omnis, & tantum non Regium nomen  
 tribuitur. Guisianum tum vocari, aut Coniu-  
 ratum, laudi : Regium dici, probro palàm ha-  
 bebatur. Nescio, an hæc Regi suspecta: debue-  
 runt certè. Socios Regni pari. Regibus inso-  
lens. Monetur interim vndiq; Rex : caueat si-  
 bi : constituisse Guisium manus ei inferre, &  
 Luretiam vi rapere Rex ipse publico scripto te-  
 statur, Aumalium Guisij patruelem, & Mæni-  
 um eiusdem Guisij fratrem (ij Blasius aberant)  
 certos ad se homines misisse, qui vehementer  
 monerant, sibi prospiceret : ni properet, breue  
 ei salutis tempus concessum. Monetur & ipse  
 Guisus, non esse quod nimium Regi fidat. Ex-  
 cidit Guisio vox: vox audax: Non audet, inquit.  
 # Rarò diuturna est serui potentia, quæ ipsi do- Guisi' iussu  
Regis ne-  
catur.  
mino terribilis est. Rex igitur, & audacia Gui-  
 sij commotus, & periculo suo territus, vocatum  
 ad se XIII. Decembris, veteris stili, quæ erat  
 olim dies Veneris, pugionibus confodi, & Re-  
 gni turbatorem, ad Regnum manifestò adspi-  
 rantem, in Regis vitam manifestò conspiran-  
 tem iussit. Eadem hora capti, Cardinalis frater, Et post eū  
Cardinalis.  
Inuillæus filius, Elbusi' patruelis: alijq; factio-  
nis eiusdem. Cardinalis, postero die, quòd au-  
dacissimi hominis, tanquam feræ bestię diutur-  
nior

Iud. 3.

nior custodia, periculosior esse videbatur, confossus est iussu Regis. Sic pereant omnes inimici tui, Domine: qui autem diligunt te, sicut Sol in ortu suo splendet, ita rutilent.

Prou. 16.

Indignatio Regis, inquit sapiens, nuncius mortis: & vir sapiens, placabit eam. Sed Regi de Guisio aliter supplicium sumere, intutum fuit: Ad aulam enim ipsam, Guisiana factio, tanquam gangræna peruenerat. Captiuos, publico supplicio seruandos putauit: vt ordinariâ iuris viâ, & publica eorum confessione, illa extraordinariâ in Guisium animaduersio, necessaria fuisse probaretur. Incidunt sæpè morbi, in quibus si methodicorum rationem teneas, eadem ratione ægrotum perimas. Ipse sibi æger quandoq; non expectato medico, venam aperit: Et subita nouaq; mala, subita nouaque

Curtius.

remedia poscunt. Parmenionem Regnum affectantem, per insidias tollendum è medio Alexander M. curauit. Vulgo ille militum erat acceptus, in potestate habebat exercitum. Animaduertere in eum apertè non poterat, nisi cum aperto rerum suarum periculo. Angliæ Rex, ni fallor, Richardus, patrum suum, Clocestriæ Ducem, res nouas molientem, & populum cōcitantem, clam, per speciem venationis ex Anglia abductum, strangulari iussit. Ille summo Duci, cuius fideli feliciq; opera vsus erat sæpissime: Hic, patruo Regioq; sanguini non pepercit. Quid Regem, cum ipsius vita, Regniq; salus, in præsentissimum periculum vocaretur, parcere Guisio voluisses? Homini, nulla re, præterquam insana dominandi cupidine, insigni.

Frossard.

Guifiorum cadauera, Rege mandante, Carnifex capitibus minuit: inde exuffit: cineres in aërem Ligerimq; fparfit. Ecce qui in viros fortes, licarios immittere; qui innocentes capite priuare; qui facros ignes, in pia capita accendere, qui suspendere, qui mergere Sanctorum corpora ridens solebat: Is confoffus iacuit: ei caput impium iufta carnificis manus abstulit; eius truncū cadauer ultor ignis confulpit; Cineres, partim venti tulerunt, partim aquæ hauerunt. Iam Ultorem non imminere impijs Deum dicito.

Quatriduo poft fublaturum Guifum, Rex Nauarræ Niortium, primarium in Pictonibus oppidum, commodiffimo loco fitum, rebus ad bellum victumq; neceffarijs inftitutiffimum, vno fole è fuis deliderato, capit. Eo capto, alia non pauca, deditiōem fecēre. Ad maiora, magno impetu properanti, Deus manum iniecit. Ex continuis grauiffimisq; laboribus, quos vix quifquam alius ferat, in grauiffimam pleuritidem incidit. Ea nobis optimum Regem; prudentiffimum Ducem, fortiffimum Militem, pænè rapuit. Vidiffes tum in eo, quod viderunt multi: incredibilem in re bellica conftituenda Prudentiam: (nam in propinquo erat hostis, numero militum longè fuperior) Conftantiam in morbo admirabilem: pietatem & fiduciam in Deo, qualem hæc ætas non fert. Desperantibus de eius falute omnibus, ipfe, in Deo fperabat: cuius fingillatim enarrabat, decantabat benefacta. Serua hunc nobis porro,  
Deus,

Rex Nauarræ Niortium capit.

Eius morbus grauis.



**D E V S**, Principem : quem tunc reddidisti Ecclesiae tuae, non frustra : Serua, quam diutissime. Vide, mi **D E V S**, quò humanæ mentis prorumpat curiositas. Hunc si nobis rapis, quis Gregem tuum ducet ? Scio : ex lapidibus, ut filios Abrahamæ, ita populo tuo Duces suscitare potens es. Certè, si ex his quos nouimus ; verè ex lapidibus. Magnos, fortesq; viros video, si solos video : Si ad hunc comparo, Vmbrae sunt. Nemo, cuius ceruix sustinendo tanto oneri sufficiat, quantum hic, inspectante orbe Christiano, sustulit. Sed tibi **D E V S**, gregis tui, æterna cura : Ego homo, ad humana descendo.

**Coniuratorum furor.**

Peruulgata Guisiorum, Ducis & Cardinalis, morte, Coniurati in furorem aguntur. Eorum erat in plerisq; Gallie vrbibus ingens multitudo, ad quoduis parata scelus, seu ingenio suo, seu inopia, seu metu pœnarum, siue etiam superstitione, quæ, vbi cæca hominis mentem inuasit, horrendos edit partus. Aurelianenses imprimis & Parisienses, olim cædium in Evangelicos antesignani : Picardi etiam nonnulli, apertam defectionem moluntur. Regios omnes, id est, viros bonos & moderatos, aut trucidant, aut carceribus mandant. Sed Lutetiam Mænius confestim aduolat : Aumalius Picardiae vrbes, quæ à Rege defecerant, Ambianum & Abbatiss villam occupat. Aumalij frater, quem Equitem Aumalium vocant, Aurelianum, Blæsis, nescio qua arte saluus peruenit. Hi duces hodiè Coniurationis, & defectionis habentur. Mænium, mortuo fratre, spes Regni, quæ

quæ nihil vnquam suadet moderati, incitat:  
habebatur antea minus ferox. Aumalium ea-  
dem cupiditas, & nonnulla fortassis spes tenet.  
Equiti, sua etiam somnia, calcar addunt. Sed  
hi suos quisq; ad flagitiosissimum quodq; faci-  
nus impellere, vt scelerum conscientia & veniẽ  
desperatione fidos habeant. Hinc in Regiam  
Maiestatem Parisiensiu incredibilis furor. Re-  
gias ædes diripiunt: insignia lacerant, concul-  
cantq;: effigies conspuunt, & discerpunt: tan-  
quam animalia fera in ipsa inanima sæuiunt.  
Ipse Regius Senatus, Parliamentum vocant,  
ignominiosẽ & inaudito scelere, ab infimæ &  
pudendæ sortis hominibus sædis carceribus in-  
clusus. Regi, ne verbo quidem sua dignitas  
seruatur: publicis etiam scriptis, Henricum  
Valesium vocant, olim Regem. Accedit Con-  
cionatorum, qui iam pænẽ vbique, discordia-  
rum & seditionum tubæ sunt, effera rabies. Po-  
pulum satis per se furem, clamoribus & e-  
iulatu concitant. Guisium, Gallia liberatorem,  
Parisensium seruatorem, Catholica Religio-  
nis vindicem vocitant: Regem: Tyrannum,  
Herodem, perfidum, carnificem, atheum cla-  
mitant. Et huius odio, in Regis Nauarra veris-  
simas laudes, imprudentes exspatiantur: Ma-  
gni, & Regij animi Principem, Religionis suæ  
constantissimum obseruatorem, fama, fideque  
integra, clementiã in deuictos hostes, etiam ho-  
stibus admirandã prædicandãq;. Sed Sorboni-  
cum Theologorum Collegium, ex D. Pauli do-  
ctrinã, populum fide Regi debita liberum &

Sacramento solutum pronunciant: licere populo, contra Regem suum, pecunias colligere, coniurare, arma ferre, pugnare.

Hæc tibi merces, Henrice Rex, ab ijs rependitur, pro quorum otioso ventre, tu olim tot labores suscepisti, toties pugnasti, toties vicisti: pro quorum Tyrannide patrios campos, civium tuorum sanguine imbuisti: pro quorum salute, tuam Regniq, tui salutem neglexisti. Etiam Romam mittis, & benefacti veniam a Papa petis? Non agnoscis consilia illa omnia, quibus pænè regno vitæq; spoliatus es, Romæ fabricata? è cerebro & diuina mente beatissimi Patris profecta? Malefactorum, à Deo veniam exora. Benefactis, & huic quidem tanto, tam raro in patriam tuam beneficio, sua laus æternum maneat. Cardinalem, tibi Regnoq; imminentem, sustulisti. Bonum factum: & voce scriptisque bonorum omnium celebrandum. Ob hæc tibi Gallia tua omnis, flexis genibus gratias agit: laudesq; cantat. Sed Cardinalem: An non subditum tibi? An nō tuis tuorumq; beneficijs, non suis suorumve meritis magnum? An non in te, Regem suum conspirantem? An non præsentem Regno tuo pestem immittentem? Quæ hîc Pontificis notio? Apage mihi istos homines, qui Religionis specie, solutos se legibus humanis, & à Magistratu liberos iudicant. Apage mihi Religionem istam, si modò illa Religio est, quæ societatis humanæ diuinum vinculum soluit. Auctoritas potestasq; tua à Deo, quam nemo homo, nisi magno cum suo malo, vnq; solu-

soluit : Sed tu , Rex , caue , ne Bonum factum purumq; , factis istis commacules : Caue , ne te Romano rursus luto immergas : tenax est , & vix vnquam ex eo emerges.

Inter tantas has turbas,vt in hominum magna turba quis, etiam alias insignis, fortè clabitur, ita veluti elapsa est Regia mater Catharina : de qua silere malo, quàm pauca dicere.

Mors Reginae Matris.  
Rex Coniuratos eorumq; fautores hostes describit.

Sed postquam videt Rex, Coniurationis reliquias etiamnum caudam mouere : ne forte subditis suis exterisue hæeret hac in re scrupulus aliquis : Manium, Aumalium, eiusque fratrem Equitem, publico scripto, dignitatibus atque honoribus omnibus priuat : Infidos, rebelles, & Maiestatis conuictos declarat : Eos eorumq; posteros, quique illi sint, qui aut consilio aut opera, aut re aliqua, opè illis ferent, eodem loco habet. Ab his illisq; graues se pœnas expetiturum profitetur. Idem in vrbes, Luteriam, Aurelianū, Ambianū, similesq; alias constituit.

Sed Partium vires, intra extraq; Regnum, quæ quantaq; sint, breuiter videamus.

Coniurati, vrbes Regni aliquot amplissimas tenent : in ijs pessimum quemq; & vilissimum : quo quis honestior, eò ab illorum cōsilijs actionibusq; alienior. E Nobilitate pænè nullus in partibus est : nisi qui olim Guisæ familiæ adductus, eandem nunc cum ipsis fortunam experi-  
ri cogitur : aut qui facinoribus coopertus, vel alieno ære obrutus, in sanis partibus, partes nullas inuenit. Auri argentique vim, ex confatis sanctorum, quas vocant, reliquijs, conse-

Partium vires.

cerunt, ab opulentioribus, quos vrbibus clau-  
 sos tenent; magnam pecuniæ summam exege-  
 runt promiscue. Sed destituta Nobilitate plebs,  
 seditionibus assueta, insueta Bello, turbam po-  
 tius, turbandis rebus aptam, quàm exercitum,  
 hosti profligando commodum, conficiet. Ipsa  
 suopte ingenio varia & mobilis, leui momen-  
 to, partes mutabit, & duces suos, qua leuitate  
 secuta est, eadem deferet. Quidam etiam pœ-  
 nitentiâ ducti, postquam abierit ille furor, &  
 Regij nominis Reuerentia redierit, Ducum  
 suorum sanguine defectionis maculam cona-  
 buntur eluere. Illa autem conflata pecunia ef-  
 fluet citò: præsertim, cum in eam quàm pluri-  
 mi inuolent: & de ea partem sibi quisq;, tanq̃  
 de præda, poscat. Exactiones, si repetantur,  
 plebem commouebunt. Nulla enim inter eos  
 Regis certi, nulla Magistratus legitimi reueren-  
 tia. Nullum in vulgo consilium, nulla ratio.  
 Omnes sibi Reges, omnes Duces sunt.

Vrbes  
 sanguine  
 pioru in-  
 sectæ in  
 Coniura-  
 tis sunt.

Sed hîc nota mihi, Christiane, & vide, Vr-  
 bes, quæ Anno 1572. tot innocentum Chri-  
 stianorum sanguinem crudelissimè fuderunt,  
 eas omnes, quamuis ab inuicem longe distitas  
 veluti conspiratione quadam, & signo dato, in  
 Regem suum furentes. Quid hîc aliud quàm  
 iustum Dei iudiciû expectas? Expecta, Chri-  
 stiane, & spectabis Namque tu DEVS, Vlt onum  
 DEVS, iustus populi tui vindex, memor eris, vt  
 se gesserint, illi, cum vastarent Ierusalem tuam.  
 Dederunt cadauera seruorum tuorum cibum  
 volucrib⁹ cœli, & carnem sanctorû tuorum be-

Psal. 127.

Psal. 79.

stij⁹

stijſ terræ. Effuderunt ſanguinem eorum circa Ieruſalem, tanquam aquam. Beatus, O filia Babylonis, qui reddet tibi ea, quæ intuliſti nobis, Beatus, qui apprehendet filios tuos allidetque ad petram.

Externa autem auxilia, quæ habere poſſint, non video. Oculos in Hiſpaniam vertunt, Habet Hiſpan<sup>9</sup> domi, quæ agat. Parmenſis, quantum ego quidem arbitror, res ſuas in Belgio confirmandas, quàm alienas curandas iudicabit. In Italia, Pontifex, ne quo modo Regis animum amplius offendant, cauendum ſibi putabit, & ſi quid tentare velit, fulmina contorquebit bruta, & quæ nemo, niſi brutus ipſe, curret. Florentinus & Ferrarienſis, ſpectabunt hos tanquam ludos, & mouere quidem in Italia aliquid poſſunt: extra Italiam, eorū vires haud valde extimeſcas. Sabaudum continebunt vires Regiæ & Heluetiorum, quæ temeritatis eius vindictam petitem properant. Reſtat illis vna Germania, quæ mercenarium fortè militem præbebit. Ita eſt mos, ipſi Chriſtiani etiam Antichriſto, accepta pecunia ſeruiunt, & animas ſuas Sathanæ ultro mancipant.

Sed à Rege, ſtat Galliæ robur, Nobilitas omnis, ipſe Dux Ducum, & ſummus ætatis noſtræ Imperator Rex Nauarræ: Prouinciæ, exceptis Vrbibus aliquot, omnes. Portus & accellus Regni omnes, quibus prohibere Vrbibus com meatum poſſit, interim equitatu agros illorum vaſtare & populari. Salinas tenet omnes. Ut facilè ſit Coniuratos ad ſummam omnium

rerum inopiam adducere, Extra Regnum, patebit eius auro Germania, & erunt ipsi Principes, acceptorum à maioribus eius beneficio- rum memores. Scotiæ Rex & Heluetij, fœderi, Regina Angliæ, Veneti, alijque amicitia non deerunt.

Rex Nauarræ: Etsi humanæ ei vires non de- sunt: Oculos tamen in cœlum tollit. Inde cer- tum auxilium sperat: inde salutem certus ex- spectat. Nec vnquam sperauit, exspectauit fru- stra. Alta illa vox tua, Henrice Rex Nauarræ, & verè Christiano spiritu edita. Si me omnes gen- tes, etiam solum circumdederint, Spero quòd per nomen DOMINI excisurus sum eas. Me- ritò speras in DOMINO DEO tuo: meritò eius in te beneficia prædicas. Specta Cœlum: Mille ibi legiones Angelorum, quorum vnus, rotos exercitus, hominum Centum Octoginta quinque millia, vna nocte delet. Et hic qui te circumfundit aër, equis plenus est, curribusq, igneis, auxilio tuo paratis. Illos non est, quòd molestis sumptuosisque legationibus ambias: quòd magnis stipendijs emas: Fide, tui sunt. Non illi inimicos amicosque pariter vastant: hostes perdunt, suos illæsos seruant. Iam te DEVS ille, ille exercituum DEVS, infantem inter infestos exercitus seruauit: Adolescentem ille te periculis innumeris liberauit: Virum ille te, in Guisiana cæde seruauit, de ciuitate san- guinum eduxit, in domum suam deduxit. Ille venena, ille enses, quibus centies petitus es, abs te auertit. Ille te medios inter hostes, protexit, pro




pro te pugnauit : pro te vicit. Ille nuper proiecit ad pedes tuos hostem tuum. Qui arma tua fugerat, imbellis : is, cum illo D<sup>eo</sup> tuo pugnans, merita morte cecidit. Idem ille te Deus tuus, veluti de sepulchro retraxit, & morti eripuit. Idem ille hostium tuorum reliquias, hodiè iratus persequitur. Expecta paululum, & illos in semetipfos ruentes videbis. Gaude igitur, Rex, Tua Deo salus curæ est. Asylū tuum & arx tua, Deus tuus. Is te hodiè liberationum suarum illustre exemplum constituit, in quod intueamur, quod sequamur omnes. Atque utinam tot hodie, aut nihil agentes aut malè agentes Principes, sequi malint exemplum tuum, quàm aut malè agere, aut tempus inerti otio ludere. Sed illos sua manent. Tu vero perge. Perge indefessus, perge intrepidus. Nos te sequimur, Tu Christū sequere. Illac in cælum via est.

At tu, Auctor Christiani nominis, Iesv, serua, protege, auge hunc Regem, gregis ductorem tui, & cum eo sanctum gregem tuum. Nos verò, populus tuus, & grex pascuorum, tuorum, te celebrabimus in sæculum, & per omnem æuum prædicabimus laudes tuas. Recolemus Iudicia tuà à condito mundo, & nomini tuo dabimus gloriam Amen.

Psalm. 58.

Lætabor iustus cum viderit Vltionem. Pedes suos in sanguine impij lauabit.  
Et dicet homo: Certè iustum manet suus fructus : certe est Deus iudicans in terra.

**F I N I S.**



AD IEHOVAM VINDICEM,

# DE REBVS GAL- LICIS:

COMMENTATIO ALTERA  
IACOBI FRANCI.

Complectens HISTORIAM eorum, quæ  
post Guisios fratres interfectos: & post Re-  
gem ipsum interemptum contigerunt  
Anno 1589. in Regno Franciæ.

VNA CVM

DISPUTATIONE, de Iure quod sibi  
Pontifex Rom. Sixtus V. contra Regem Hen-  
ricum III. sumpsit, in denuncianda ei ex-  
communicatione, nisi imperata  
faceret.

Et REFUTATIONE prætextuum: quos Moli-  
tionibus & armis suis prætendunt ij, qui aduer-  
sus HENRICVM IIII. Christianissimum  
Galliarum & Navarræ Regem hodiè  
tumultuantur: aut tumultu-  
antibus patrocinium  
præbent.

BREMAE, Excudebat Bernhardus Petri.

ANNO M. D. XC.

THE HISTORY OF THE

ROYAL SOCIETY OF LONDON

IN THE SEVENTEENTH CENTURY

BY JOHN VAUGHAN

ESQ. OF THE SOCIETY

IN TWO VOLUMES

LONDON: Printed by J. DODD, in Pall-mall, 1741.

By Authority, W. BENTLEY, Printer, in Pall-mall.

THE HISTORY OF THE

ROYAL SOCIETY OF LONDON

IN THE SEVENTEENTH CENTURY

BY JOHN VAUGHAN

ESQ. OF THE SOCIETY

IN TWO VOLUMES

LONDON: Printed by J. DODD, in Pall-mall, 1741.

By Authority, W. BENTLEY, Printer, in Pall-mall.

AD IEHOVAM VIN-  
DICEM, DE REBUS  
GALLICIS COMMEN-  
tatio altera.



VI S I O R V M fratrum mortes,  
immane quantos, quàm varios  
animorum mot<sup>9</sup> in Gallia con-  
citarint. Evangelici, & è Ponti-  
ficijs optimus quisq;,- in spem  
melioris status erecti, exultare:  
Regi regnoq; gratulari: Qui altius penetra-  
bant, iudicia Dei extollere, in futurum Regno  
metuere: Coniuratis, alijs desperatione animus  
cadere, alijs furore erigi, plerisq; atrox & mæ-  
sta sæuitia. Omnes intenti expectare, quid Rex  
deinceps inciperet.

Rex Nauarræ, agnoscere præsentem Dei ma-  
num, & nunquam dubium auxilium: sed vul-  
tus haud multò lætior solito, neque aduersis  
frangi, neq; prosperis attolli facilis.

Rex lentitudine, an lenitudine, tanquam  
re confecta, cunctanter agere, subditos per lite-  
ras officij admonere, arma lentè expedire: ratus  
fortè Regij nominis reuerentiam ad cætera suf-  
ficere. Sed erat illa dudum, ciuiliū bellorum  
licentia, & Guisianis artibus, corrupta.

Hinc coniurati, quibus percussis, nauiter in-  
standum erat, animos resumere, arma parare:  
Aumalius & post eum Mēnius Lutetiam aduo-

lare : vrbes, oppida, quæ in fide seu perfidia potius manebant, opere munire : dubia, præsidio firmare : plebem varijs veluti flabellis accendere, & flagitijs, partibus suis deuincire. Seditiosissimum quemq; rebus gerendis præficere.

Constat potuisse plerosq; attonitos opprimi, & vacillasse diu quibusdam locis plebem, inter fidem perfidiamq; dubiam. Sed eam, seditiosæ Monachorum conciones, & Mænij aduentus, & frustra tentatum à Rege Aureliano, & furiosæ matris, vxoris, sororisq; Guisij per urbem discursationes, præcipitem egerunt.

Vagabantur hæc tota Vrbe velut bacchantes, crinibus passis, sordidatæ, Guisij paruulos trahentes liberos, & facilem plebem, flexis ad seditionem vocibus, concitabant. Monachi & Sacerdotes missifici, in concione, in confessione, quam vocant, auriculari, publicè priuatimq; supersticiosum populum incitare. Iacere confossos fratres Guisios, communis libertatis vindices, Ecclesiæ Catholicæ assertores : iacere cum illis, eodem ictu confossam Ecclesiam, ni eam ipsi teneant labantem.

Fuit qui die, quem Christo natalem colim\*, concionem ita ordiretur. Hic dies Seruatorem orbis nobis dedit : Veneris proxime superior, seruatore urbem nobis eripuit. Tunc à populo vniuerso iusiurandum de vindicta persequenda peteret, & obtineret. Et vindictam hanc illi tanquam rem non solum Deo gratam, sed etiam debitam stultæ multitudini ingerere, candem-

eandemque vanis & inanibus minis terrere.

Sed Aurelianenses ijsdem furijs acti, cùm à Rege de obedientia debita frustra essent admoniti, & tandem armis leuiter tentarentur, armis Regis sui arma impia primi opposuere.

Arcem Rex tenebat exiguam, exiguo præsidio. Hanc excindere, illi parant. Machinas admovent, munimenta prosternunt. Miles postquam ruinas aliquot dies fortiter tenuisset, cùm neq; numero par esset, & loci iniquitate premeretur, omisla defensione se recepit.

Iam liberi Aurelianenses, exemplo suo, & fortuna, Vrbes alias partibus armarunt, alias adiunxerunt. Lutetiam, Lugdunum, Rothomagum, Tolosam, Ambianum, aliasq; piorum sanguine infectas: nempe vt quæ impiæ crudelitatis in Christi seruos participes fuerant, eadem essent huius atrocis in Regem rebellionis sociæ.

Rex interim nouis malis, noua remedia quærere, & crescentibus coniuratorum viribus auxilia sibi circumspicere. Malum præsens, præsens remedium requirebat. Germanica, Heluetica, Anglica, Scotica auxilia, certa sperabat: sed ea longinqua, eoq; tarda. Vnus rex Nauarræ ad manum.

Hic in concilio Regis grauiter certatum: dum quidam accersendum quàmprimum Regem Nauarræ: alij omnia prius experiunda ferendaque contendunt. Rex ipse dubius animi

A ,            hoc



hoc etiam angebatur, quòd Regem Nauarræ, acceptarum iniuriarum memorem futurum verebatur.

Sed qui erant à Rège Nauarræ alieni, Hæreticum, quem tot annos Rex ipse armis persecutus esset, aduocare, neq; honestum, neq; tutum dicebant. Regi famæ inprimis rationem habendam: Regi autem Christianissimo, conscientiam ante omnia esse debere. Conscientiam pollui, ascito in societatem Hæretico, sententia summi Pontificis excommunicato: famam minui, si ad eum recurreret, qui tamdiu pro hoste fuisset. Sed, quid Pontificem, quid Hispanum, quid cæteros Catholicos Reges, principesq; dicturos? Quid subditos ipsos, qui odio potissimum Religionis, quam reformatam dicunt, ad arma conuolarint? Pontifici eodem loco Regem futurum, quo esset Nauarrenus, & absq; dubio coniuratorum opera, excommunicatum iri. Hispanum, qui Catholicus, & sic & haberi velit, tanquam si iam de Relligione Catholica palàm agatur, arma pro ea palàm sumpturum. Subditorum animos, tanquam Rege in partes Hæreticorum transunte, in rebellionem confirmatum iri: & Pape etiam auctoritatem accessuram, qui eos sit liberos, & Sacramento solutos pronuncietur.

Sed qui accersendum Nauarrenum suadebant, fortioribus argumentis niti, ipsa inprimis necessitate, contra quam, vt veteres loqueban-

quebantur, ne Dij quidem irerent. Regibus famam ex fortuna constare, & hoc rerum statum primam salutis curam esse debere. Nauarrenum non tanquam hostem, (qui ipse reuera hostis nunquam fuerit) arcessitum iri: sed tanquam Regem, cui Regum aliorum salus, etiam in exemplum & cautionem, curam esse debeat. Tanquam proximum Regi, proximum Regno: tanquam Princeps regni membrum, tanquam subditum aduocari. Regem Regis auxilium implorare, nec nouum esse, nec indecens, non magis quam fratrem fratris. Regum omnium maxime interesse, inuiolatos Reges sanctosque haberi. Quem autem Regem, quem Principem, quem etiam priuatum, non propinquorum suorum & affinium opera indigere? Sed subditorum manus viresque Regibus si quis subtrahat, idem eadem opera Regium nomen iusque auferat.

Conscientiam, hic intempestiue & præter rem inculcari. Olim Imperatores, Christianorum militum manu, bella non una fecisse,

ac fecisse. Et nunc Carol. V. Imp. Mauritij Saxon. Ducis, et Alberti Brandenburgi armis feliciter usus. Et hodie non nisi virtute Götav. et Hūgaror. qui pontificis doctrinam admirantur, Turcam propulsi, Hispaniam defendi. Hispanum ipsum, qui tam Castolor. et Afr. et Gabon. vult, Götav. maxime Evangelici militis robore Lusitaniam occupasse.

Illos ipsos, cum quorum reliquijs hodie res sit, Anno 1585. cū primū arma in Regem caperent, Germanum militem in Principum Evangelicorum terris conscriptam, inter auxilia habuisse: hūc suo more, ab Evangelico doctore, palām verbum Dei in exercitu audire, & Sacramenta Ecclesiastica sumere solitum.

Reges Franciscum I. & Henricum II. huius aum, patremq;, cum Imperij Evangelicis Principibus fœdus inijsse, eosdem auxilijs, pecunia, milite, ad tuendam Imperij Religionisq;, libertatem iuuisse. Hunc ipsum Regem, citra vllius reprehensionem hæctenus cum ijsdem illis principibus amicitiam coluisse: cū Regina Angliæ etiam arctum fœdus habuisse: atq; illorum amicitia, huius fœderis hodie vel maximum fructum expectare.

Sed qui accersiri Regem Nauarræ prohibeant, eosdem, ijsdem rationib' auxilia Germanica, Anglica, Scotica, Heluetica dissuasuros. Hoc, quid aliud sit, quàm Regem, regnumq;

*hostibz prodere. Nūq; esse quod hic Regem Nauarræ tanq; hereticum differant. Esse litum sub iudicio, neq; hodie cū Rege de Religione certari: Regnum sig vitam sig pati. Quid excommunicatus iri dicant, magis maiores nūq; esse. Nūq; pōtifici Rōano qv in Gallia sig principes fuisse nro esse Et olim Gallia Reges pōtificū illas sententias pro nihilo habuisse et recedi.*

recenti memoriâ excommunicatam Regi-  
nam Nauarræ Iohannam, huius de quo aga-  
tur, matrem, apud Carolum IX. Regem, lo-  
cum suum, Regis & Regij Senatus auctoritate  
tenuisse. Liberum à Pontificum libidine Galliæ  
Regnum vt olim fuerit, ita porro conseruan-  
dum. Itaq, nec Pontificem valde extimescen-  
dum, etiamsi in regem ipsum fulmen suum ia-  
culetur.

Sed nec Hispanum, etiamsi palàm arma in  
regem capiat: nec subditos ipsos, quorum iam  
furor eò processerit, vt vltra non possit. Ponti-  
ficem mouere nihil polle, quod motum iam  
non sit. Hispanum iam dudum clàm id agere,  
quod palàm acturum illi minitentur. Apertum  
hostem facilius, quàm occultum & dissimu-  
lantem caueri.

Aduersus subditos, auxilium quæri, quod  
in Rege Nauarræ, vt proximum, ita promptissi-  
mum & certissimum sit. Namque eo animo  
Regem Nauarræ, in regem, Regnumq; esse, vt  
deleta offensarum, si quæ sint, memoria ad hoc  
extinguendum, incendium, etiam vltro aduo-  
labitur sit.

*Quare ita censabant: quoniam Rex a cōmunitatibus  
valde precepsit, Regem Nauarræ proximum Regi-  
no principem, dum externa auxilia cōfirmandum  
proximum quibuscumq; cōditionibus imitandum atq;  
accensendum. Hæc sententia apud Regem et mo-  
dores valuit. Dum hæc in Regis cōsilio ager-  
entur, Rex Nauarræ*

Nauarræ, ne deesse regno tam incertis rebus, & regis periculum sedens spectare velle videretur, postquam singulari Dei beneficio, vitam penè ipsam, de qua grauissime periclitatum, superiori Cómensatione diximus, recepit, Ligerim versus contendit, vt Regi propior, opponere sese conatibus coniuratorum posset.

Oppida, vrbesq; , quas ipsa itineris ratio obiecerat, partim subito eius aduentu territæ (est enim huius Regis, in expeditionibus bellicis tanta celeritas, vt volare illum dicas, non exercitum ducere) partim iudicio suo, deditio- nem fecerunt. Inter eas Landunum, Insula Bo- chardi, Castelloraltum, Mirebellum, Viuonna, Blancum, aliaq; oppida, arcesq; complures.

Castelloralti, vt statum rerum specularetur, & de regis voluntate aliquid intelligeret, mili- temq; suum recrearet, aliquot paucos dies sub- stitit. Non tamen animum ipse à bellicis aut cogitationibus aut laboribus interim retraxit.

Argentoniũ, oppidum est Biturigum, cui arx imminet: arcem coniurati iam multos annos præsidio tenebant. Præfectus, postquam in pro- pinquo esse Regem Nauarræ, intelligens, me- um certiore facit: copias petit, quib; oppi- dum vi tenere possit, in quo suspirabatur esse

*nonnulli qui Regis partes animo sequeretur*  
*Maurig hanc signis mittit gnomi militum*  
*numeros quibus sufficere indicabat.*

*Ciues viri boni et Regi suo addicti postquã agi*  
*ita.*

agi ista intelligunt, à rege auxilium ex pòscunt;  
quo libertatem suam, contra præfidiariorum  
vim, & aduenientes copias tuerentur.

Sed tarda inde spes: erat enim Rex remoti-  
or: Fit de tota hac re certior Rex Nauarræ: cum  
expeditis aduolat, & oppidum non expectatus  
intrat. Atq; ita, familiari sibi celeritate, iam  
aduentāti Mæniano militi prædam velut è fau-  
cibus eripit. Præfidiarij amissis primo impetu  
de suis aliquot, cum frustra certare se ex euentu  
didicissent, arcem etiam dediderunt.

Hic & alijs locis nihil à Rege Nauarræ no-  
natum, nisi quòd Religionis causa exules resti-  
tuti, ijsq; religionis exercitium datum.

Castelloraltì literas ad ordines Regni edi-  
dit, modestiæ atq; pietatis in patriam Deumq;  
sanè plenas: sua hostiumq; consilia dilucide  
explicat: Ordines ad pacem amicis rationibus  
vocat. Sed eæ latine, eleganter, & cum fide red-  
ditæ, prostant, dignæ quæ cognoscantur à  
multis.

Ibidem de inducijs inter Reges, primùm  
actum: resq; ita transacta. Induciæ inter par-  
tes essent annuæ: Euangelici patriæ bonisq; re-  
stituerentur: Libera vbiq; conscientia viuerent:  
religionem, nisi ijs locis, quæ tùm à Rege Na-  
uarræ tenebantur, publicè ne exercerent: Regi  
Rex Nauarræ armis suis auspicijsque adesset;  
Saumurium oppidum ad Ligerim, cum immi-  
nente arce haberet: idq; sibi ad traijciendas, &  
si opus esset recipiendas copias, firmaret; Inte-  
rim de

rim de certis atq; æternis pacis rationibus inter  
reges tractaretur.

Plura tum palàm neq; concedere, salua apud  
Pontificios autoritate sua Rex poterat: neque  
Regem Nauarræ, saluâ modestia, petere dece-  
bat: abundè hîc profectum arbitrabatur, si pro-  
bare reipsa Regi, suam, suorumq; innocentia-  
m posset, & animum pro Maiestatis eius salu-  
te, bonoq; publico, quiduis ferre paratum  
ostendere.

Pactis inducijs, Rex Nauarræ, haud dubie  
salutem Regi regnoque ferens, Saumurium  
côpias promouet, non magnas illas quidem,  
sed expeditas & validas, & continuis multo-  
rum annorum laboribus duratas: Ligerim  
ponte, qui ad Saumurium est lapideus, trajcit:  
Saumurio præsidium imponit.

Mænius interim non quiescere, tentare  
omnes, quorum vitæ ratio appetere res nouas  
videbatur: Plerosque luxus, egestatis, scelerum  
sibi conscios, licentiæ & rapinarum spe, in par-  
tes trahere. In ipso regio comitatu, nonnullos  
fide dubia fuisse constat: & in ipsa Turonum  
metropoli, multos Mænij partibus addictos: In  
eam se Rex Blælis relictis, contulerat, eamque  
supremi Senatus sede honorauerat: Lutetia, vt  
indigna, omnibus honoris titulis, & priuilegijs  
spoliata.

Audendum igitur aliquid ratus Mænius, an-  
tequam inter reges amicitia conualesceret, aut  
præsentia Nauarreni, labantes regionum animi  
restit-



restituerentur, Luteriâ cum expeditis properus  
excedit, rectâ Regem petit, quem destitutum à  
suis, & fortè etiam proditum se occupaturum  
sperabat.

Vindorinû & in eo, plerosq; è iudicio aulico  
(magnum consilium vulgò dicunt, apud quod  
amicæ causæ disceptant) homines inermes capit.

Mænium copias eduxisse, continuo fama  
volat. Rex Nauarræ, oblatam sibi rei gerendæ  
occasionem, haud prætermittendam ratus, cum  
paucis equos conscendit, ad Mænium cõtendit.  
Dùm pperat, certior fit ad Ambosiû, Mænium  
esse, Regem rebus suis diffidentem, cursores di-  
uersos hinc inde, ad se accersendum, dimisisse.

Mutato itineris consilio, duobus à Turo-  
num metropoli miliaribus, ad Ligerim castra  
locat, postquam ampliùs viginti quatuor ho-  
ras, armis onustus, equitasset.

Regem de aduentu suo facit certiozem. Si  
progredi extra urbem velit, venturum se ad  
colloquium. Rex hoc nuntio letus, Marechal-  
lum Aumantium ad eum mittit, qui referret,  
Regem cum comitatu aulico, Plæsei esse, pe-  
tere vt & ipse eò, amne traiecto veniat.

Pleissæum, arx est regia, ad portas vrbis. Hic  
Nauarrenus (etsi plerique boni prudentesque  
differendum & diffidendum censerent, & con-  
gressum eò tempore, summis operibus dissua-  
derent) Deo precib' exorato (solemne illi rerum  
agendarum à precatione initium, & maxime  
dubijs rebus, certum velut à Deo consilium su-  
mere)

mere) cum Aumontio, & nobilitate sua, relictis instructis ad Ligerim copijs, Plessæū contendit.

Solent Reges proceresq; in Gallia, arcibus adiunctas habere sylvas amœnas, varijs de ambulationum spatijs distinctas: has muris cingunt, ijsque nobilium ferarum greges clausos tenent. Huiusmodi nemus Plæstæo adiacet, in quo inambulans, Nauarreni aduentum Rex expectabat, & complexum cupide expetebat.

Expectabant & boni omnes, atque genua, veluti Seruatoris regni contingere gestiebant. Conuenerat p̄ocerū nobiliū, plebis multitudo, q̄ rei non solū insperatæ, sed etiam desperatæ fama exciuerat: Tātaq; aderat turba, vt postquam Nauarrenus aduenisset, dextras iungere & mutuo se complecti Reges diu prohiberentur.

Tandem in mutuos effusi complexus, egregium & diu expectatum bonis omnibus spectaculum præbuere. Acclamationibus vndique resonabant omnia, fausta Regibus precantium: & pacem patriæ, hoc congressu ominantium.

Sed omnium in Nauarrenum ora coniecta: hunc tanquam Regis populique Gallici seruatorem, liberatorem etiam aliquando, Deo dante, futurum, intuebantur, loquebanturque: nec vanæ voces, aut in adulationem effictæ. Namque nemini dubium erat, aduentu Regis Nauarræ seruatum regem, & fortè suorum p̄ditioni ereptum.

Neque rex ipse diffitebatur: & dixisse non semel ferunt, Non concessurum deinceps, vt sa-  
lutem

Intem suam Rex Nauarræ tam vilem haberet;  
seq; ipsum tam frequentibus periculis obiecta-  
ret : eius spiritu se quodammodo viuere, viue-  
re certè Galliam, quæ eo extincto, ni eam Deus  
extra ordinem seruet, pereat necesse sit.

Salue David noster, qui non solùm non no-  
cere regi voluisti, sed etiam ad seruandum eum  
vltro aduolandum tibi iudicasti.

Salue Christiane, imo hoc ipso facto, Chri-  
stianissime regum, qui tot offensarum, tot atro-  
cium iniuriarum oblitus, pro malefactis bene-  
facta rependisti.

Salue patriæ, sed ingratae patriæ, post Deum  
seruator inuicte : Deus te nobis, Deus te Reip.  
Deus te Ecclesiæ seruet æternum.

Sed & tu te nobis quantum in te est, serua.  
Certè liberi lubentesque fatemur omnes, tuo  
nos spiritu viuere. Tu solus quantum in te vno  
sit, videris ignorare. Hactenus miles fuisti :  
Iam, cum Deo, Rex sis : Auspicium tuum no-  
bis atque imperium sufficit, pericula nostra  
sint. Sed non externum tantum, Verùm mul-  
to magis domesticum hostem caueas, quem in  
sinu tuo occultum imprudens gestas. Hostium  
tibi artes notæ : perfidiâ certant.

Sed Quid nos hæc cura macerat ? nihil neq;  
ad vitam tuam addere nos possumus, neq; de ea  
hostes demere. Itaque Deus te optime & for-  
tissime regum, seruet : & seruabit, si saluos nos,  
si saluam Galliam volet.

Hæc inter Reges animorum Viriumq; con-  
iunctio,

iunctio , quamprimùm ad Sixtum V. Papam perlata est, hominem valide perculit.

Videt sibi è faucibus Francorum regnum eripi, cuius maxime viribus Tyrannis Romana steterat : Consilia sua, conatusque omnes irritos abire. Noua igitur arma parat, & tentat, an religione retrahi Rex possit : sciebat enim illum religioni, quam vocant Catholicæ, mirè addictum. Literas perscribit, quibus auctoritate Apostolica iubet eum, captiuos quos teneat, è reliquijs coniurationis Guisianæ, intra diem decimum libertati restituere : Intra sexagesimum autem diem Romam venire, coram ipsius sanctitate, celsi Cardinalis Guisiani rationem redditurum : si secus faciat, excommunicationem comminatur.

Hic verò exurgere Christianos Reges Principesque velim : vereor vt frustrà. Namq; vos veternus occupat, & torpor manus mentesque tenet.

Tam diu vos audaciam Romani sacrificuli ferre? Tanidui vos eius furores spectare? Excommunicatum Regem Nauarræ vidistis, maximis viribus impugnatum, Hispani terribiles apparatus, conatus etiam Pontificios in medio vestrùm : neque vos commouistis.

Hec verò iam extrema audacia est : nec sane ferenda, nisi eis, qui ferre omnia digna, indigna decreuerint. Satis ante Imperatorum Principumq; patientiâ peccatum est, quorum culpâ subuersa iacet.

Pristina

*Pristina Maestas Soliorum.*

Haftenus ille, tanquam si Deus sit regna eripit, donat, transfert: Quid enim hoc aliud est, quàm Deum agere?

Suaue, quod Attabalipa, earum terrarum, quas Hispanorum auaritia aperuit, crudelitas exhaustit, Rex potentissimus, Monacho dicenti, Donatas Regi Castiliae terras illas à Pontifice: Mirari se respondit hominis dementiam, qui quæ neq; sua, neque in potestate sua essent: donaret alienis.

Lubet adscribere quæ in Concilio Ratisbonensi, Eberhardum Episcopum Salisburgensem dixisse referunt. Sub Pontificis maximi titulo, pastoris pelle lupum feruissimum, nisi cæci sumus, sentimus. Auent. lib. 7.

Romani Pontifices arma in omnes Christianos habent audendo, fallendo, & bella ex bellis serendo magni facti sunt: oues trucidant, occidunt, pacem concordiamque terris depellunt, intestina bella, domesticas seditiones ab inferis eliciunt: indies magis ac magis omnium vires debilitant, vt omnium capitibus insultent, omnes deuorent, vniuersos in seruitutem redigant &c. Credit experto. Non cessabunt donec Imperatore in ordinem redacto, Romani Imperij honore soluto, pastoribus veris expulsis, per hunc morem omnia extinguant, omnia pedibus suis conculcent, atque in templo DEI sedeant, extollanturque supra id omne, quod colitur. Qui seruus seruorum est, Dominus Dominorum,

Ver' heu  
nimium  
vates.

perinde ac si DEVS esset, esse cupit. Noua consilia sub pectore volutat, vt sibi constituat Imperium. Leges commutat, suas sancit: contaminat, diripit, spoliat, fraudat, occidit. Perditus ille Homo, quem Antichristum vocare solent, in cuius fronte contumeliæ nomen scriptum est, DEVS SVM, ERRARE NON POSSVM, In templo Dei sedet, longe lateque dominatur.

Verè ille, verè sanctus vir. Iniurias Imperatoribus factas, bella inter proximos disseminata, scelera patrata commemorare possum, si lubeat: sed ea in historicorum omnium illius æui libris, prostant.

Et recentia sunt, quæ proferre possum: Delusum à Paulo Pontifice, Gutzmannum, Legatum à Ferdinando Imp. vt ei Ferdinandi ipsius electionem nunciaret, & dimissum, postquam tres integros menses Romæ Pontificis auctoritatem frustra expectasset: negante videlicet Pontifice licuisse aut Carolo V. Imperium alij, quàm ipsi Pontifici cedere, aut Ferdinando Imperij administrationem absq; Pontificio consensu, suscipere.

Gent.  
figut.  
hb. 3.

*Nùm Petrus, aut Clemens, nùm cætera turba  
Sceptra Latina dabat?                    & priorum.*

• **A**lbertum Austriacum Imp: ab Electoribus, bis electum liberis suffragijs, & tertio confirmatum, Papa Bonifacius confirmare recusat,

recusat, quamuis præter decus Maiestatis Imperatoris ter sollicitatus: negans potuisse eum absq; consensu suo eligi, cuius autoritas tam spiritualis, quàm sæcularis, summa esset in regna & Imperia.

Tam superbam sententiã, vt fastu aliquo insigni firmaret, prodit in publicum histrio, ense accinctus, corona ornatus, iactitans se & Papam esse & Cæsarem.

Videns hominis insaniam Imperator ratus tempestiue paranda aduersus eam auxilia, cum Rege Francorum fœdus init coram: cuius literæ exstant in regni Archiuis his verbis: Albertus Dei gratia Rom: Rex semper Augustus, vniuersis, &c. Nos & Serenissimus Philippus Dei gratia Rex Francorum, amicus noster charissimus, iniuimus, voluimus, consensimus, & ad inuicem concordauimus, ac etiam promissimus fide data, nomine Iuramenti: Iurauerunt etiam in animas nostras nobis præsentib\*, videlicet pro iam dicto Rege Franciæ, spectabilis vir Comes Sancti Pauli: pro nobis verò vir nobilis Burcardus Comes, auunculus noster carissimus: quod ex nunc erimus ad inuicem veri & fideles amici, ac in nostris ac regnorum nostrorum & Imperij honoribus, libertatibus, & statibus mutuo conseruandis, contra omnem hominem veri & validi adiutores. Quoddque inter nos ac hæredes, successores nostros, & Francorum Reges & Imperatores, pacis, & fidelis amicitie fœdera, perpetuis duratura tem-

poribus, seruantur, &c. Actum & datum,  
nobis & præfato Rege Franciæ præsentib' apud  
Quatuor valles die Martis, octaua mensis De-  
cembris, Anno Domini 1299. Indict. 14. Regni  
verò nostri Anno 2.

Libuit adscribere hæc verba, vt cogitent  
Imp. Reges, Principes eadem ratione, nempe  
fœdere arcto obuiam eundum iniuriæ & furori  
Sixti V. qui miscere omnia cogitat, & regna le-  
gitima euertere, vt audaciam suam exercere  
possit impune.

Quibus artib. exagritus fuerit à Papa, Hen-  
ricus Imp. concitato in eū filio, notius est, quàm  
vt referre pluribus debeam. Sed lubet adscribe-  
re initium Epistolæ, quam Imp. ipse ad Regem  
Francorum scribit, vt pateat, quantam eo tem-  
pore in Reges Francorum fiduciam afflicti à  
Pontificibus Imperatores habuerint, Princeps  
Clarissime, inquit, & omnium in quibus post  
DEVM speramus amicorum nostrorum fi-  
delissime. Primum & præcipuum inter omnes  
vos excepi, cui conqueri & deplorare calami-  
tates & omnes misérias meas necessarium  
duxi, etiam genibus vestris aduolui, si liceret,  
salua Maiestate Imperij. Vide in quas angustias  
Imp. Roman. adduxerit extrema Pontificis  
audacia. Tota deinde Epistola narrat, quæ in-  
digna à Filio passus sit: Filio in Patrem à Ponti-  
fice concitato.

Quid Maximiliano secundo Imp. negocij  
fuerit cum Pontifice, pro erectione & colloca-  
perato-



tionē Dignitatum secularium, ex publicis Imperatoris ipsius oppositionibus constat.

Addam, Iohannē Philippi Burgundiæ ducis Filium captum à Turcis ad Nicopolim Anno 1396. posteaquam liberatus in Galliam redijt, Regi retulisse: Turcis ignotum non esse, quemadmodum Pontificum audacia, Christiani orbis tranquillitas turbaretur. Nihilq; aded mirum illis videri, quàm Reges & Principes, tantam illorū licentiam atq; audaciā tamdiu ferre.

Vos Reges, vos Principes, quibus potestas à Deo data est, qui arma geritis, quæ opponere isti feræ Bestiæ legitimè possitis, quid officij vestri sit videritis. Nisi fortè statuistis, in posterū, non Dei gratia Reges aut Principes vos scribere, sed Sixti V. gratia Reges aut Principes. Sed servate quæso Deo, quæ Dei sunt, & huius audaciam, quæ se supra DEVM extollit, compescite.

Ego ad te venio, Sixte quinte. Servus Servorum iubes Francorum Regem, id est, antiquitate, dignitate, legitima potentiā, primum totius orbis terrarum regem, regem tantum supra cæteros Reges, quantum supra subditos suos cæteri Reges (ita enim quidam ex antecessoribus tuis loquitur) Regem, inquam, Francorum, à quo tibi tuisq; Imperium in alios, à quo tibi tuisque terræ & dominia; à quo tibi tuisque salus non semel contigit: Hunc iubes, homines, qui capiti eius regnoq; tot annos insidiantur: homines, in ipso penè scelere depre-

B ;                      hensos,

hensos, liberare: id est feras bestias, cauet  
emittere, quæ in ipsum rursus incurrant: Re-  
gnumq; vastent & perdant.

Hic se verò Sanctitas tua, & conscius sce-  
leris illorum atque fautorem, & hostem Regis  
regniq; prodit. Itane tibi salus summi Regis,  
summi regni tranquillitas Vilis est, vt exposi-  
tum denuo audaciæ improbiſſimorum homi-  
num velis?

Nempe illa gratia est, quam rependis Regi,  
à cuius prædecessoribus habes, quicquid habes?  
cuius Maiores liberandis Pontificibus, propa-  
gandæ tyrannidi eorum, augendæ potentia,  
toties Alpes, toties Pyrenæos, toties maria tran-  
sierunt? qui ipse pro Tyrannide tua, regnum  
suum sanguine ciuili sæpius cruentauit? qui  
pro te tuisq; in acie stetit, vitamq; suam Marti  
incerto sæpius exposuit?

Iam illum ad Tribunal tuum vocas: nimi-  
rum vt rationem reddat, quare regno sibi à ma-  
ioribus suis relicto, sibi à Deo commendato,  
vltrò non cesserit: Quare lacerandum perden-  
dumq; Francorum regnum improbiſſimis ho-  
minibus non reliquerit: quare ipse iugulum  
ficarijs & latronibus non præbuerit. Hoc enim  
voco, rationem de Guilijs fratribus interfectis  
reddere. Si minus paruerit, excommunicatio-  
nem intentas, id est, regni eius proscriptionem.

Vnde tibi seruorum serue, Sixte Quinte  
tantum ius in Reges & supra Reges omnes?  
Regem, & Regem Francorum vocandi in ius?

Regem

Regem ad rationem supplicij de sceleratis sum-  
pti reddendam, vocandi? Vnde quæso tibi hoc  
ius? Si à Deo, Si à D. Petro, profer literas, pro-  
fer Instrumenta: non illa Romæ data, sub an-  
nulo Piscatoris, Datarij manu subsignata: Sed  
Instrumenta Cælo missa, cruce Christi signata,  
sanguine agni Dei subscripta. Illa requiro:&  
tu quares frustra. Nisi hæc fortasse adducis,  
Quod Filius Dei censum Cæsari soluerit, cum  
supradicto, Redde Cæsari, quæ Cæsaris sunt:  
Deo, quæ Dei. Quod Apostolus apertis verbis Rom. 13.  
scripserit: Omnis anima potestatibus sublimio-  
ribus subdita sit. Audis Sixte? audis? Omnis.  
Interroga Aristotelem tuum, super quem, ma-  
gnam partem exædificata est Religio tua, quid  
illud Omnis sibi velit. Nisi forte negas, te homi-  
nem esse: quod accipio; ex antiquo dicto.

*Papa, stupor mundi  
Nec Deus es nec Homo.*

Et quis hominem dixerit, non coruum po- Gloss. 2.  
tius vel dæmonem, hostem generis humani, quæst. 7,  
Eum qui toties Imperatores, Reges, Principes, Non om-  
subditos iniucem commiserit? Qui toties ter- nis.  
rarum orbem sanguine gaudens repleuerit?  
qui ipse tot annos hominum, & hominum  
Christianorum sanguine lætus pascatur?

Sed & D. Petri quem iactas hæc vox est:  
Estote subditi omni humanæ creature seu ordi- 1. Pet. 2.  
nationi propter Deum, siue Regi tanquā præ-  
cellenti, siue Ducib⁹ tanquam ab eo missis, &c.

Hæc Christi, hæc Apostolorum præcepta sunt, Si hæc tibi non sufficiunt, Audi Christum:  
Matth. 19. Principes gentium, dominantur eorum, non  
2. Cor. 10. autem ita erit inter vos: inquit ad Apostolos  
Tit. 3. suos. Audi Paulum Apostolum: Arma militiæ  
nostre non carnalia sunt. Et alio loco: Admone  
illos Principibus & potestatibus subditos esse.

Sed & compilatores Iuris tui audi, qui cen-  
tonibus suis dictum Hieronymi insertum vo-  
luerunt: Episcopi, sacerdotes, se sciant esse non  
Distin. 95. Dominos. Nam si te supra Episcopum putas,  
cap. Esto subiectus. tui te ipsi conuincant. Primæ sedis Episcopus  
Dist. 99. ca. non appelletur Princeps sacerdotum, vel summus  
primæ. Sacerdos, aut aliquid huiusmodi, sed tantum  
primæ sedis Episcopus. Sed hæc alijs dicta, tra-  
ctata sunt.

Vides quid à Deo, quid ab Apostolis habe-  
as: ab hominibus quid, habes? Nempe à Con-  
stantino, inquis, ab Imperat: & Regibus Fran-  
corum, summum ius habeo concessum & ces-  
sum.

Quàm hoc verum sit non disputo. Sed si ius  
tuum ab illis agnoscis, hoc ipso, Dominos illos,  
& supra te, & benefactores tuos agnoscis. Mul-  
ta hi, Imperatores inquam, & Reges Franco-  
rum in te dignitatis ornamenta, multa bene-  
ficia contulerunt: fateor. Sed ius sibi summum  
etiam in te tuosque reseruarunt, & usurparunt,  
qui inter eos viri fuere.

Et dederint, quod contendis, submiserint  
se, subiecerint arrogantæ Pontificiæ: calcandos  
se tuis

se tuis pedibus, deridendos prudentibus Ineptos  
Zelo, præbuerint. Hoc sibi illi fortasse ad tem-  
pus faciendum duxerunt: Successores, quibus  
alius animus, aliæ res, non obligarunt. Et tu,  
Ingratus, ista vrgebis? An nescis, iure, quod  
ab vrbe tua profectum, nunc orbem regit, Do-  
nationem ingratitudine solui? An nescis eodem  
iure, ingratum libertum in seruitutem retia-  
hi? Sed:

*Romanus tempore prisco*

*Pauper erat præsul: Regali munere creuit.  
Nec tamen ut fasces, & Regni iura Latini  
Vel dare præsumat, vel cuiquam tollere possit.  
Excessere modum, magnorum munera Regum  
Si tantum cuiquã ius in sua Regna dederunt.  
Sed neq; tanta fuit largitio, nec dare quicquã,  
Quo caret ipse, potest, huius collatio Regni  
Autorem sortita Deum, contingere nulli,  
Iure potest hominum: Collator muneris huius  
Est Deus: hoc summis Regnũ cõfertur ab astris.*

Sunt.  
Ligur.  
lib. 3.

**E**T sit tibi Imperatorum aut donatione, aut  
concessione, aut patientia ius hoc in Roma-  
num Imperium, cuius tu sedem Tyrannus oc-  
cupas: Quid tibi in Galliam Iuris?

Namq; audaciam tuam Reges, sed Capetij Extr. me-  
inprimis, nunquam tulerunt: sæpe euagantem ruit de  
represserunt. Et è tuis, si quid hoc ad rem facit, Privileg.  
non Reges tantum & Principes Francorum, li- &c.  
beros

beros iugo tuo, sed ipsam Ecclesiam Gallicam  
declarent.

Sint tamen ista in te collata: an tuum fuit  
ea recipere? Te hominem relicto mundo san-  
ctitatem professum: te seruū seruorum: te ve-  
stigij Christi & Apostolorum insistentem.

Christus se seruum seruorum, non verbō  
professus est, sed reipsa præstitit, cum & Cæsa-  
ris iura agnouit, & pedes discipulorum, non in  
pompam lauit, & inde pro hominum genere  
indignissima omnia, & tandem ignominiosam  
mortem, tanquam ouis passus est. Regnum  
etiam quod ei reuera Regum Regi à populo de-  
ferebatur, non solum repudiavit, sed fugit eti-  
am in desertū, vt se populi molestia liberaret.

Et tu ad istam normam viuis, qui Seruus  
seruorum, Rex Regum esse affectas? qui Ser-  
uus Seruorum Imperatoribus & Regibus tan-  
quam pedissequis abuteris? Qui Seruus ser-  
uorum gloriolissimorum Imperatorum colla,  
fœtidis pedibus tuis calcas? Qui Seruus seruo-  
rum, te supra id omne quod Deus est, extollis?

2. Cor. 4.

D. Paulus se & suos seruos Corinthiorum  
profitetur, per Iesum inquit. Tu Dominus esse,  
nisi per Diabolum, non potes. Consule Ari-  
stotelem tuum: Conclusio non fallit. Sed tu,  
abi in malam rem, cum isto iure tuo: quod vt  
cœperit, vt creuerit, alij dixerunt: Et remedia  
Italia tua, ciuilis prudentiæ magister Macchia-  
uellus, & inter historicos bonus author Guic-  
ciardinus.

Macch.  
lib. 1. hist.  
Guicciard.  
in fragm.

Hic

Hic vero tui insistent, præter leges sublatum  
Guisum Ducem, sed Cardinalem præter fas  
omne.

An præter leges sublatus videri potest, qui  
supremo Magistratu iubente tollitur? Non vi-  
detur: ea enim magistratui authoritas. Sed  
clàm & per dolum sublatus est. Ita regni Re-  
gisq; necessitas ferebat, nec si se Rex regnumq;  
suum saluum volebat, aliter licebat.

Veteres Romani arbitror salutem populi,  
supremam legem esse volebant. Idem in Re-  
gno sequimur, salutem Regis & per eum Re-  
gni supremam legem habemus: nec Regem  
toto administrationis cursu Cynosuram aliam  
intueri decet secundum Deum, quam salutem  
Regni, in quo & ipsius Regis & populi salus  
consistit: cursum aliàs suum non tenebit, &  
impellet in scopulos, aut vadis adhærebit nau-  
fragus.

Palàm & per ordinarium iuris processum  
tollere medio illi absq; manifesto regni pericu-  
lo non poterant. Tàm alte, tàm latè radices e-  
gerat coniuratio.

Et Leges in eum valere vis, qui leges con-  
culcabat & fundamenta Regni conuellebat? L. D. de  
dolo.

Sed valeant Leges, quibus dolus bonus est,  
& pro solertia habetur, qui aduersus hostem,  
latronem, aut insidiatorem vsurpatur.

Valeant illæ, quib. nocturnum furem quo-  
quomodo interfici, impunè veteres voluerunt;  
si furem: quid Latronem, Parricidam, quid  
Regis Cic. pro  
Milon.

Regis sui cædem, patriæq; subuersionem machinantem? Quæ illi quæso adfici iniusta nec potest?

Valeat illa à natura non scripta sed nata lex: quam non didicimus, accepimus, legimus, verum ex natura ipsa arripuimus, hausimus, expressimus: ad quam non docti, sed facti, non instituti, sed imbuti sumus, vt si vita nostra in aliquas insidias, si in vim, in tela latronum aut inimicorum incidisset, omnis honesta ratio esset expediendæ salutis. Silent enim Leges inter arma, nec se expectari iubent, cùm ei qui expectare velit, antè iniusta pœna luenda sit, quàm iusta repetenda.

Exempla sacra, Prophana proferri possint: Sed quid exemplis quid rationibus opus, in re, cuius Vim atq; impetum quisq; in seipso sentit? Si hoc privato ad tuendam salutem suam licet, quid Regi liceat, ad suam totiusq; Regni, tot bonorum, tot miserorum salutem conferendam?

Vt in Guisium licuerit: In Cardinalem, quod Regi ius fuerit, quæritis? Dicam: quod cuilibet etiam privato, in quemlibet hostem, latronem, insidiatorem: quod Regi in subditum.

Nullum vitæ genus, nulla professio, obedientiam quam Regi subditus debet, soluere vnquam potest: Dominorum in seruos, patrum in liberos potestas, certis olim modis soluebatur. Regum in subditos, nisi per scelus, non solui-

inli-



uitur. Et supra commemorauī diuini Apostoli Rom. 13.  
sententiam: Omnis anima, &c. Contra quam  
si itis, rectā in Diuinum praeceptum incurritis.

Hispaniarum Regi Philippo, an vos vitio  
vertitis, quod in Lusitania, Episcopos, Mona-  
chos, presbyteros qui Regis Antonij partes Ant. Res.  
in ep. ad  
Gregor.  
Pont.  
constanter sequebantur, partim foedissimis car-  
ceribus incluserit, partim veneno, aut crucia-  
tibus necauerit? Non vertitis. Ita vobis, idem,  
prout expedit, modo æquum, modo ini-  
quum est.

Vos Regum iudicia repudiatis: positos vos  
extra eorum potestatem iudicatis. Non ita tot  
olim sancti viri, qui morte sua Christi doctri-  
nam inter scruissimos confirmarunt cruciatus,  
Iudiciis ab Imperatoribus datis, quantumuis  
iniquis, crudelibus, impijs, volentes obtempe-  
rabant.

Colimus Imperatorem (inquit Tertullia-  
nus) quomodo & nobis licet, & ipsi expedit, vt  
hominem à Deo secundum, & quicquid est à  
Deo consecutum: Solo Deo minorem.

*Regem timendorum in proprios greges:*

*Reges in ipsos Imperium est Iouis.*

Horat.

Nihil est tertium, quod aut solum Imper-  
rio sit, aut Imperium in Reges ipsos habeat.

*Diuisum Imperium cum Ioue, Caesar habet.*

Reges nostri, ne ab ipso quidem Pontifice,  
vbi causa suberat, iustas manus abnuenerunt.  
Phi-

Philippi Pulcri Regis, verè pulcrum, verè Regium facinus vulgò notum est.

Ad hunc Bonifacius 8. P.P. legatum miserat Episcopum, qui transmarinam ei expeditionem iniungeret. Absentiam Regum & Imperatorum Pontifices procurabant, vt liceret interim sua confirmare atq; augere: illorumq; vires cum potentissimis Asiæ, aut Africæ Principibus collisè, frangerentur.

Legatus postquam ei Rex non omnino satisfacit, minitari incipit: ni obtemperet, Regno à Papa priuatum iri. Insolescentem legatum, Rex carcere coercet. Hic verò ardens Pontifex, alium in Galliam ablegat, qui Regem tributa solita ab Ecclesiasticis exigere prohibeat: Regem hæreticum, regnum ad Ecclesiam recidisse pronunciet. Extant eius ad regem, & Regis ad eum literæ.

Res eò deuenit, vt Lutetiam vocatis Proceribus & Ecclesiasticis Regni, post expositam Pontificis audaciam, Rex ab illis quæreret, cui terras & possessiones suas acceptas ferrèt, quem pro Rege & supremo Domino agnoscerent? Omnium vna vox fuit: Regem eum & Dominum esse: ab eo se terras & possessiones, quas tenerent, habere: Imperaret, obtemperaturos: duceret, sequuturos.

Coactus tandem Papæ iniurijs, Nogacerium Nobilem Vasconem, cum copijs in Italiam mittit. Hic, captum Pontificem, carceri mandauit. In quo vitam finiuit vt Canis, qui intrauerat vt Vulpes, regnauerat vt Leo.

Quid Otthone[m] Tertium Imperatorem dixeram? Is Iohannē XVIII. P. P. captum, post effoscos oculos, digitos amputatos, Saxo Tarpeio præcipitem dari iussit.

Vetera illa relinquo. Recens est memoria, Theod. 2.  
urbis Romæ, Caroli V. Imperatoris mandatu, Caroli Borbonij virtute captæ, & cum Cardinalibus Pontificis obsessi. Niem :  
Nauclet.  
alij.

Sed diu nimis mihi cum hoc Monstro res est. Itaq; totum hoc argumentum claudio Apostoli verbis, Nemo Deo militans, implicat se a. Tim. 2.  
negocijs secularibus.

Addo Synesij sententiam, quam etsi vir magnus, doctrina, iudicio, probitate magnus, non omnino probat, ego omnino amplector: Civilem virtutem sacerdotio iungere, esse miscere quæ misceri non possunt, nec debeant.

Mihi Gostaui Regis consilium placet, quod vtinam sequantur Reges cæteri, Principesq; & sequantur necesse est, si se, regnaq; sua atq; Ecclesias saluas volunt. Ille virtute sua partum Suecorum Regnum, capere noluit, nisi prius Episcopi & Ecclesiastici, potentia, qua Regum authoritatem imminuebāt, seditiones excitabant, omnia denique pro libitu licenter turbabant, Renunciassent. Non dominari illos, sed docere debere: Et si Christi atq; Apostolorum, non modò successores, sed discipuli sint, humilitatem & patientiam profitentes subiectos legitime potestati esse debere.

Audio Moschos, quantumvis Barbaros,  
Episco

Episcopos lingua sua Vladie vocare, id est, dispensatores, qui & verbum Domini dispensare, tanquam pabulum ouibus, debeant: & facultates, quas Principum Nobilium, ciuium liberalitate vbiq; habent amplas, non luxui, aut auaritiæ impendere, sed charitati: easq; inter pauperes & egentes distribuere. Et recte nostri, Ministros dici atq; esse voluerunt: quòd teneant fortiter, suadeo.

Nimis hæc multa à me Sixti V. impudentia extorsit: Dabimus tamen aliquando, si opus sit, huic quæstioni diem suum.

*Redeo ad Historiam.*

**I**nsidiabatur dudum Regi Mænius: & occupare eum ante Regis Nauarræ aduentum properabat, Sed Regis Nauarræ celeritas, vti dixi, & ad seruandum Regem promptus animus, rem tùm Gallicam seruauit. Retrocessit enim ad famam aduenientis Nauarreni Mænius.

Sed Rege Nauarræ ad alia profecto, redijt Mænio animus, & repetenda sibi pristina consilia per Nauarreni absentiam, putauit. Rem cum Monachis maioris Monasterij, ad quos ventitare Rex solébat, ita componit, vt de Regis aduentu eum certiores facerent, & sceleri operam suam commodarent. Certior factus, venturum postridie Regem, properus cum copijs accedit: iam inopinus adest.

In Vrbe trepidi omnes, Nauarrenum inuocare: Rex qui iam ad monasterium iturus, vrbe  
exces-

excesserat regredi: militem qui ad manum erat,  
hinc inde ad arcendum hostem disponere: In-  
terim Regem Nauarræ accersere. Redijt pau-  
lò post Rex Nauarræ ad imperium Regis, op-  
portunè: & Mænius, tanquam Solis fulgore fu-  
gata nubecula, re infecta, recessit, & Lutetiam  
se abdedit.

Rebus in Turonum, Andium, Pictonumq;  
ciuitatibus compositis, Rex, Nauarrenum à se  
longius amittere, haud tutum sibi regnoq; ra-  
tus, cum eo Lutetiam versus agmen ducit. Iter  
illis ferè ad Ligerim Baugencia cum, quod op-  
pidum septem miliaribus Gallicis infra Aureli-  
anum in fide manserat.

22. Maij.  
styl.n.

Inde copijs præter Aurelianum ductis, Ger-  
golum, super Aurelianum miliarib<sup>9</sup> quatuor,  
obsidere visum: Eo occupato flumen in pote-  
state futurum, & pressòs Aurelianenses, sanio-  
ra fortasse consilia capturos. Admota igitur  
tormenta: disiecta munimenta, oppidanus &  
præfidiarius miles, desperatis auxilijs, Regis se  
arbitrio dediderunt. In paucos rebellionis au-  
ctores, ducesq; animaduersum, intercedente  
Nauarreno, & Regis exacerbatum meritò ani-  
mum, quotiescunque se dabat occasio, miti-  
gante.

Territa vicina oppida, Gïanum (quidam  
Genacum Cæsaris arbitrantur) Caritas, aliaq;  
quæ hætenus nec in coniuratis, nec extra con-  
iuratos fuerunt, miserè, qui deditionem face-  
rent, & ciuium voluntates facultatesque offer-

C

rent:

rent : Pecuniæ ijs imperatæ , & annona.

Gergolio, præsidio munito, in Belsiam, (seu Beotiam mauiis) perrectum. Hic primum Regi Nauarre (ducebat is primam aciem) Pluuiarium (Pluiers vulgo dicitur in fertilissima Belsiæ parte situm) obuium fuit. Spem ciues, milesq; de deditione primum facere : Ita tempus extrahere, dum auxilia à Mœnio veniunt. Dum de conditionibus agitur, Ecce nuncius, appropinquare missum à Mœnio militem. Sic rupto colloquio, illi se in oppidum festinantes, recepere : Nauarrenus miles insequi, & assequi. Sed illorum expectatio frustra fuit : at non militis Nauarreni diligentia. Nam oppidum illo impetu captum & direptum est.

Huius rei fama, oppida amplius viginti ad deditionem traxit.

Et hoc ferè tempore Castillionæus cum paucis Carnutum versus excurrens in Saucusam, ignarus ignoratusq; incidit. Ducebat Saucusa Cōiuratæ nobilitatis florem ad trecentos & amplius equites. Non prius penè vtrinque hostes adesse cognitum, quàm ad manus ventum est : Magna virtute vtrinque pugnatum. Sed Coniuratorum ea pertinacia fuit, vt ne victi quidem abstinere : quocunque conuenerant, etiam quinque, sex, septemue, agmen facere, & in Regios incurrere, tanquam mori, quàm viuere præoptarent. Ita omnes aut cæsi, aut capti. Quosdam ita mente captos fuisse memorant, vt vitam amittere, quàm coniurationi renunciare, &

re, & arma contra Regem sceleratè sumpta ponere mallent.

Sed neq; alijs locis Regij legati cessant. In Normannia Dux Montpenserijs Regiæ familiæ Borbonius Princeps, multa millia Rusticorum, qui inani libertatis spe, & rerum nouarum studio pelliecti, arma furiose sumpserant, ad modum militarem, à nobilib<sup>9</sup> quibusdam, qui ipsi aderant assuefacti, aliquot prælijs cecidit.

Et ad Siluanectum, quod est oppidum decem miliaribus Lutetiâ, Picardiam versus (Senlis vulgo dicunt) Dux de Longeuilla, cui se Lanous à Rege, Sedano excitus iunxerat, Coniuratorum exercitum, in quo ciuium Parisiensium magnus numerus, ad rebellandum, quàm bellandum aptior, fudit fugauitq;, & tormentis quibus oppidum oppugnabant, exiit.

Iam has aliquot horas tibi dedi, Lector: tu mihi hanc pagellam condona. Postquam legeris, commodabis etiam Lachrymas, si bonus es, si pius: Et si prudens, Christianæ Reip. atq; Ecclesiæ vicem dolebis.

Namq; in morbum circa hæc tempora incidit, Vir illustris Iacobus Segurius Pardiliannus: quò postea ad diem XI. Iunij nobis ereptus est: Vir, & ore & more imaginem honesti referens: opum honorumq; contemptor, recti peruiicax. Vt anima ita ore liber, eoq; gratus bonis, grauis improbis.

Doctorum, sed bonorum amans: illos ignaua opera, Philosophâ sententiâ, non ferebat:

eruditionem grauem, seriamq; , à qua in publicum; boni mores , bona valetudo manarent, complectebatur: illa acuminis irriti ludicra, & difficiles nugas auersabatur.

Iam pietate & animi robore, supra vulgi, pœnè etiam dixerim supra hominis captum , ingeniumq; .

Sed non ille ad huius seculi gustum : Seculi improbi; maligni, ingrati, quo vitijs malisque artibus , non modo impunitas , sed apud plerosq; etiam honos : innocentiam atque virtutem vix vsquam sine periculo, aperte colueris.

Henrico tamen , quem hodie Christianissimum Regem Francorum & Nauarræ boni lætantes intuentur, à puero carus. Meritò. Nam, & ipsi Segurio, vna illa post Deum cura : hunc per bonas artes ( pietatem, virtutemq; ) quàm florentissimum videre.

Certè ita iudicabat : & erat ei , rara Regis indoles , à puero nota : Quantum perspicere humana inens posset, neminem inter huius æui Principes, præstare Reip. atque Ecclesiæ Christianæ posse, quæ hic, multis indicijs, argumentisq; , præstiturum se pollicebatur.

Erat ille familia inter Aquitanos illustri natus , à qua & sub qua prima pœne ijs locis religionis iacta semina, immensum adoleuerant.

Primos annos bonis artibus : cæteram ætatem Reip. atq; Ecclesiæ dedit. Adolescentiam & illum florem ætatis sub armis egit.

Vbi maturior illa, & rebus gerendis simul ac  
regen-



regendis ætas accessit, tùm legationibus Galliam, Angliam, Belgium, Germaniam, Helvetiam obire, laborare, vigilare: negotijs publicis intentus, sua negligere: Bonos omnes passim ad communem Ecclesiæ defensionem adhortari: prudentibus, animum addere: imprudentibus, mala imminencia exponere.

Vbi infelices Theologorum dissensiones, & disputatiunculas inanes, officere bono publico videt, vias ad concordiam quærere: ad eam omnes vocare: non corpori, non sumptibus, non vitæ parcere.

Hominem, supra hominem, id est, non sibi, sed Ecclesiæ, sed Reip. sed cuius potius, quàm sibi natum, audis. Sed quis illi, vera dicenti, scribenti, fidem habuit? Ex ijs, qui præsentia adferre remedia poterant, nemo: Boni, pleriq; ad arcenda mala, parum potentes, quæ ille prædicebat, taciti ventura videbant, & huius seculi stupiditatem, taciti deflebant.

Quorundam ea audacia, is furor fuit, vt virorum optimi, non solùm famam, per mendacia, impudentes differrent, verum etiam vitam, per latrocinia, sceleratè peterent. Sed malebat ille famam boni viri, quàm conscientiam ad tempus etiam perdere.

De vita incuriosus erat. Fiduciam in Deum sibi circumdederat, murum inexpugnabilem.

Infelix seculum! quo, quæ sentias, quæ videas, dicere non liceat! Tu vero felix Seguri, confecto innocenter cursu tuo, iam hac serui-

tute liber, viuus : & viuus , cum Deo, beatus æternum.

Fratres duos narrant , cùm non adessent bo-  
ues, currum matris subiisse, & ad templum per  
multa stadia traxisse. Matrem hac filiorum pie-  
tate commotam, petiisse à Deo, vt quod maius  
haberet bonum, filijs pro hac pietate redderet.  
Illos eodem die extinctos. Voluisse Deum mor-  
talibus ostendere : nullum contingere homini  
bonum maius posse, quàm ex hac misera & ca-  
duca vita, ad illam beatam , æternamq; transi-  
tum.

Quid ni & nos, beata Seguri anima, reddi-  
tam tibi à Deo , pro tot laboribus, pro ipso, pro  
ipsius Ecclesia (cuius currum toties subisti) su-  
sceptis, amplissimam mercedem credamus?  
Credam ego certè. Sed ad laudes tuas non ad-  
dam plura.

Scio esse qui inuideant: Scio esse, qui ex-  
candescant. Et veritati his moribus , quàm  
mendacio , præsentius periculum. Tibi à Deo  
cui seruisti, tua merces : hominum iudicia, ne-  
que tuo, neq; meo nomine quicquam extime-  
sco : neque tu illa quæsisisti : nec quæram ego , si  
tuum exemplum sequar : sequar autem quam-  
diu mihi hæc à Deo vita suppetet.

Sed Regius exercitus, capto Pluuiario, com-  
pluribus oppidis receptis , Belsia peruagatâ  
Stampas venit, Lutetiâ miliaribus xiiii. Ad  
deditionem inuitati, ferociter respondent. Igi-  
tur oppugnatio capta. Postquam impares se  
vident

vident, quamuis ipsis præfidiarius miles adesset, colloquium petunt: nec duces negant.

Sed tenèri miles, qui & ipsa pugnâ & spæ prædæ incaluerat, non potuit, quin, per ruinas, quas tormenta fecerant, intraret, urbemque diriperet. Seditiosorum duces pauci, capite puniti.

Hinc circa Lutetiam arces multæ: oppida quædam, alia vi, alia deditioe in potestatem Regis venerunt.

Pontifarense (Pontoise, oppidum ad Isaram, quo fluuio in Sequanâ, inde Lutetiam pleraq; ad victum vitamq; necessaria deuehuntur) firmopræsidio, quo tenebantur, & viciniâ Mænij freti (namq; septem exiguis miliaribus Lutetiâ disiuncti sunt) parère noluerunt. Probra etiam non dicenda, non cogitanda in Regem iecere: & si dedere se velint, quod pignus toties fractæ fidei, daturus esset? Dixisse Regem aiunt, cum relatum hoc ad eum esset: si de fide sua dubitarent: sponsores se Regem Nauarræ daturum.

Iam de Rege Nauarræ eam opinionem Rex conceperat, ut nisi eo authore, eo duce, nihil sibi aggrediendum, nihil agendum putaret. Quem absentem, summo fuerat odio persecutus, eum præsentem, dum virtutes eius præsens intuetur, amat, & complectitur: Ita fit, ut plerunque opinione & fama, non iudicio certæ ratione in odium alterius feramur.

Igitur circumsessum oppidum, trans & cis

Isaram oppugnari cœptum. Cùm autem transiri vado Iſarę, non facile posset, hoc incommo- dum oppugnantes patiebantur, vt submittere inuicem auxilia, & laborantib⁹ adesse non pos- sent. Postquam hoc Rex Nauarrę animaduertit, ponte iungere flumen aggreditur. Rationem suis, flumen ipse ingressus, præscribit : o- perique instat, & addit animos. Confectus in- tra paucas horas pons, oppugnantibus difficul- tatem libere commeandi, obsessis spem diu- rius resistendi abstulit. Capta hinc inde subur- bia, tandem ciues militesq̃, ad deditionem ad- acti, imperata fecerunt.

Iam occupatis circa Lutetiam oppidis, ar- cibusq; petenda ipsa coniurationis arx Lutetia, olim Regni, nunc rebellionis caput, directò vi- debatur. Et accesserant Regi Heluetius mi- les, quem vastata Sabaudiã & Lacu Lemano repurgato, Sanctus, Nobilitas Picardię, Campanię, Burgundię, quam Dux de longa- uilla & Lanoius ducebant.

Non possum hîc fortitudinem fidemq; mi- litis præterire, qui hætenus Vincennarum ar- cem tenuit. Arx est penè ad portas Parisiensis, veteri opere munita, cui nemo adiacet amœnum, præalto muro cinctum, ex more gentis. Hęc à morte Guisij in hunc diem in fi- de mansit, vi à Parisiensi plebe sæpius tentata, conatu irritò : Sed defendunt eam, non tam muniméta, turresq; , quàm plebis illius imbel- lis, & militis, non minis, non promissis, non

auro

auro expugnabilis animus. Hic te, Philippe Macedo tenuisset, quamvis aditus sit a sellis etiam pluribus onustis auro, facilis.

Rex verò dispositis copijs ad Pontem D. Clodaldi (seu Clodouæi mavis: Sainct Clau Galli dicunt) diuertit, ad Sequanam, duobus Gallicis miliaribus Lutetiâ: Rex Nauarræ cum suis Meudonum, Lutetiâ miliari vno: namq; cum primam aciem duceret, semper propius hostem sibi mansionem deligebat.

Mænius postquam tenere, contra vires regias, urbem non potest, ad solitas suorum artes decurrit. Non enim tam armis illi, quam perfidiâ, immixtis veneficis, Sicarijsq; bella conficiunt. Monachus ad hanc rem aptissimus visus: & Monacho persuadendo, fœmina, Mænij soror delecta: fœmina ultra fœminam ferox, cui pectus instructum dolis, & decus pudorq; iam dudum dominatione viliora. Vetus est verbum, Nihil tam arduum, tam sceleratum, quod non Monachus, quod non fœmina audeat. Vtrumq; infœlix experta est Gallia.

Monachus præterea, ad conficiendum facinus aptus, ideo maxime videbatur, quod isti hominum generi, ad Regem superstitione eorum deuinctum, liber aditus erat, Inuentus est inter Dominicanos (Iacobitas aut Iacobinos alij vocant) iuuenis annorum XXIII. (Ætas ad audendum prompta) Nomen Iacob' Clémens, qui Regem interficiendum sibi Parricida sumeret.

Olim

Olim eiusdem ordinis Monachus Imperatorem Henricum VII. è familia Lucelburgica, infectâ veneno missali hostiâ, in Italia sustulerat.

Hic illius improbitatem audaciâ superans, Regem Francorum in ipso Regni Meditullio, tollere cultro aggreditur. Culter paratur anceps: literæ adduntur ad Regem, confictæ, tanquam ab Harlæo, Senatus Parisiensis (illius veri rectiq;) Principe, quem captum Lutetiæ, ob constantem in Regem fidem, detinebant: vt & prætextus itineri esset, & eò promptius ad Regem admitteretur.

Ita armatus, habitu suo urbem egreditur: à Nauarreno milite excipitur: felicia omnia nunciatum Regi venire dicit: & literas ab Harlæo ferre. Transitus datus: ad Regis procuratorem generalem deuenit: ei aperit, habere se præter literas secreta mandata, quæ nemini præterquam Regi audeat annunciare. Procurator generalis rem ad Regem defert: ille admittitur. Nam quæ Regi poterat esse de Monacho suspicio? Animi sui in istiusmodi homines, & benefactorum sibi ipse conscius erat, ignarus nullis meritis mitigari perfidiam posse. Admissus, literas offert.

Dùm Rex intentus legit, ille cultro inferiorem ventrem petit, & ferit. Rex vulneratum se sentiens, in hominem inuolat, cultrum vulnere extrahit: Parricidam, eodem cultro, bino ictu verberat. Accurrunt cubicularij, & Monachum

nāchum ira incensi, multis vulneribus conficiunt. Medici vulnere Regis inspecto, iudicant nec lethale esse, & sanari intra paucos dies posse. Animus qui Regis præsentī periculo abierat, cunctis redit.

Rex Nauarræ bellicis negotijs intentus: alij Principes, proceresq; confestim accersuntur, tanto scelere attoniti: pleriq; suo Regisq; periculo trepidi. Rex bene sperare iubet: Interim Regi Nauarræ parere.

Secretario Anglico, qui legati absentis nomine in comitatu Regio erat: Scribe, inquit, ad sororem meam Reginam Angliæ, Hispanicas has esse artes, quibus & ipsa sæpe petita sit: sed futuram salutem nostram Deo curæ. Sub noctem ingrauescere morbus, præter Medicorum spem.

Cum finem instare sibi Rex videt, accersiri Principes proceresq; regni iubet; ad concordiam eos, & constantiam hortatur. Arma ne ponant, nisi purgato latronibus regno. Vltionem sceleris, & ipsis & Regibus Principibusq; omnibus, quorū maxime intersit, sacrosanctos Reges Principesq; esse, commendare: eam persequi illis & decorū, & in exemplū vtile futurum. Sed Reges, alibi mortales, in Galliā, certa successione, æternos. Superstitem esse Dei gratia, Regem Nauarræ, fratrem suū & regni iustum successorem: cuius toto orbe nota virtus, nec ipsis ignota sit, qui per eam seruati sint: ei pareant, eum obseruent, colant, ament.

His

His alijsque in eam sententiam dictis, postquam & acceptas iniurias omnibus condonasset, inter suorum non fictas lachrymas expiravit, hora post mediam noctem, circiter tertia.

Exteriorum Regum exitus cum reputo, plures à suis interemptos quam aut sua morte, aut hostili manu defunctos reperio. Inter tot Francorum Reges (plures sexaginta numerant) hic, ni fallot alter, perfida suorum manu cecidit. Sed hoc indignum, nouumq; quòd Monachi manu.

Iam patientur illi, & laudabunt, Monachos Regum interfectores, & referent inter Diuos: Regem non ferent, qui iustam manum, proditori Sacrificulo intulerit.

Bessarionem Cardinalem dicere solitum narrant, non paucos se legere in Diuorum numero, cruce quam cælo dignos. Tibi Bessario, vt penè adsentiar, facit hic Iacobus Clemens, Sicarius & parricida, relatus inter Diuos.

Rege defuncto, vna omnium voce, Rex Nauarræ HENRICVS Rex Francorum, proclamatur: fidem ei atq; obedientiam, vt suo Regi ac Domino, quem natura, quem Lex, quem Deus ipse dedisset, sacramento promittunt Principes, Regij sanguinis, Proceres Regni, Nobilitas omnis, & ipsa exercitus turba: & indignam Domini sui necem vindicaturos, Iureiurando firmât: spiritum etiam ante, quam ultionem amissuros. Multorum animi ab hostibus, promissis & largitionib<sup>9</sup> tentati, sed nemo  
reper-



reperitus est, cuius aures aut animus corruptioni paterent.

Hoc verò non tacendum, quod quidam Vir sane bonus, cum à præcipuis coniuratorum duobus crebris literis sollicitaretur, & inter eos vnus scripsisset, quoniam ipsius Rex mortem obiisset, tanquam amicum ei omnino consuleret, vt se Catholicorum partibus tandem adiungeret, &c. Respondit se ab hoste & proditore consilium capere non solere.

Sed Rex, gnarus, quæ suspitio animos Pontificiorum terreret, liberam cuiq; religionem relinquere profitetur : & nominatim Catholicam, Apostolicam, Romanam, sub tutela sua futuram. Prudenter. Nouerat, quæ ipse cum suis ad Religionis libertatem consequendam, tenendamq; perpeffus tot annos fuerat : nouerat non animis perinde ac corporib<sup>9</sup> imperari : & corpora, corporisque morbos, ferro & igni curari, in animum istis instrumentis, nihil esse iuris : imo irritari violenta manu ingenuas mentes. Sed esse verba & voces, quibus reducere errantes animos in viam possis :

*Et magnam morbi depellere partem.*

Recte prudens & fortis Rex Theodoricus, Religionem imperare non possumus, quia nemo cogitur, vt credat inuitus.

Sed fuerunt, qui Regi ipsi ob Religionem, quam tot annos, per tot incòmoda, per tot pericula, bonus constansq;, tenuerat, molestiam facerent,

cerent. Impudentes sanè homines, qui quod sibi liberum volunt, Regi suo liberū esse nolint. Et miror etiam hominēs Ius & sapientiam professos, putasse egregiè officio se suo defunctos, si publicationi edicti Regij subiecissent, Petere se à Rege, vt Catholicam Apostolicam & Romanam Religionem deinceps sequi vellet. Verba sunt ista; Sed non verba illa de quibus modo dicebam, quæ errantem reducant, ægrum fiant. Verba dico, in quibus Spiritus sit & vita, non inanis aeris percussus sonus. Nempe hoc vobis liceat, religionem sequi, modo hanc, modo illam: vobis qui, religionem vestris cōmodis æstimatis: At Regi nostro suam tenere non liceat? qui & Deum nouit, timetque, & vitam illam beatam, æternamq; sperat.

Placet, quod è Regni proceribus vnus, Vir religioni, quam Catholicam vulgi errore dicimus, addictissimus, de isto hominum genere, Regi ipsi dixit: iube, inquit, illos, qui tibi moleste religionem istam inculcant, prius sibi ipsis religionem aliquam capere: Nam Deum testor, inquit, istorum nemo religionem vllam ex animo colit: Si penitus inspicias, Athei sunt.

Sed profectò alienissimo tempore, Regem ad religionem vestram vocatis. Scilicet eam hodie religionem amplectetur Rex, in qua Regum interfectores, Dij sunt? Absit.

Sed ipsius Regis inter tantas molestias, admirabilis & prudentia & constantia fuit. Namque, volebant hi, Romanam religionem amplecte-

plecteretur, ea relicta, quam, ne relinqueret,  
mundum hunc pænè reliquerat: Certe Regna  
vitamq; suam contemplerat: minas etiam ad-  
debant, Nî faceret, iam iam se fidem exuere,  
& domos suas discedere.

Illi suadebant, vt ad tempus dissimularet:  
alij vt intra certum tempus promitteret, religio-  
ni Pontificiæ nomen se daturum. Regno, sub-  
ditisq; dandum aliquid: & maiorem eius lau-  
dem futuram, (ad quod armis minisque cogi,  
blanditijs pollicitationibusq; ingentibus addu-  
ci nunquam potuisset, si, postquam nobilissi-  
mum & amplissimum omnium Regnum legi-  
tima successionem consecutus esset, Religionem  
suam bono publico condonaret.

At Rex: Velut pelagi rupes immota resistit.  
Regi famæ imprimis rationem habendam, in-  
quit, Sed viro bono, conscientię. Vtramque se  
personam sustinere: Ita enim Regem esse, vt vir  
bonus esse velit. Virum bonum aliquando et-  
iam per mediam infamiam, conscientię confu-  
lere: Regem, si bonus est, famam ex læsa con-  
scientiâ non querere.

Sed religionis illa subita mutatione, neque  
ad famam sibi quicquam accessurum, nisi forte  
inconstantie notam, quæ in Rege turpissima  
sit, & conscientię suæ multum decessurum. Fa-  
mam ab hominibus esse, conscientiam Deo da-  
ri, Deo autem seruiendum magis, quàm ho-  
minibus. Et si vtilitatem suam spectet, à quo  
diuitias, Regna, honores, nisi à Deo expectet?  
Vniuersam terram eius esse, eam eiusque parti

Omnia in se habet, omnia asunt bona, quæ penes est pietas. 76  
culam dare, auferre, cui velit. Ei se placere in-  
primis cupere : Cupere & ipsis, qui eum rogēt,  
subditisq; omnibus gratificari : sed de consci-  
entia sua liberalem esse non posse. Iphis autem  
si desertores Regis sui & esse & audire velint,  
liberum esse discedere. Regno se carere, quàm  
Cælo malle.

Quod dissimulationem quidam suadeant,  
alienum à sua natura esse. Falli, se ut hominem  
posse : fallere alios, nec posse, nec velle. Et si ho-  
mines fallat, an & Deo fucum facturus sit ? Ti-  
mere, ne qui alios fallere cupiat, ipse se omni-  
um maxime fallat.

Promittere autem, quod præstare nolit, sibi  
insolens : solere se stare promissis : hoc amicos,  
hoc hostes scire, qui fidem suam integram san-  
ctamq; experti essent. Sed ne pertinacem se po-  
tius, quàm constantem arbitrarentur, docerent  
ipsi meliora : secuturum.

In hanc fermè sententiam Rex : Sed ut solet  
breuiter & argute : nec mihi acutam illius &  
elegantem breuitatem assequi fas.

Regis rationib<sup>9</sup> Proceres acquieuêre. Non  
autem furiosa plebs, non plebis incentores Sa-  
crificuli, Non Mænius, non Lotharingus, non  
Sabaudus, non Hispanus, non Pontifex. Et quî  
acquiescere possent ingenia, quietem pacemq;  
pati nescia? Plebem suus mos agit: Sacrificulos  
& cõcionatores suus furor: Alios ambitio inex-  
saturabilis transuersos abripit. Rationes & iu-  
ra singulorum, breuiter liceat expendere.

Istis

Istis in hoc conuenit, Hentricum Regem Nauarræ non esse recipiendum. Rationem addunt: Hæreticum esse. Non licere autem Hæretico Regni successionem capere. Namque quia aliàs successionem proximus sit, paucos reperiās, qui dubitent.

Gaude Rex Christianissime, Idem tibi quod Danieli accidit. Quærebant in eum, crimen Sætrapæ, nec inueniebant: itaque dixerunt. Non inueniemus aduersus istum crimen, nisi fortè in lege Dei sui. Nihil hi habent, quò te coarguant, nisi religionem tuam, id est, verum Dei cultum. Ob hunc tu illis hæreticus: Regno & luce indignus. Sed qui Daniele de lacu leonum liberauit, idem & te seruabit contra istorum insidias.

In Daniele, cum è lacu extraheretur, nulla inuenta est læsio, quia CREDIDIT DEO SVO. Hactenus nec te lædere potuerunt tot hostes, variâ perfidiâ, Quia CREDIDISTI DEO TVO, nec te porro lædere poterunt, si pergis CREDERE DEO TVO, & apertis fenestris numen illius adorare & inuocare, qui te ab extremo Galliarum angulo, Pyreneisq; tuis, in lucem terrarum Orbis, ad capeffendum Francorum Regnum, regendosq; imperio populos, pacemq; orbi Christiano reddendam, eduxit.

Sed Rex, hæreticum se negat: & ego, ob hæresin neminem successionem arcendum, Regnòue mouendum contendo. Si hæreticus is habendus est, qui Deum in spiritu & veritate

D

colat,

colat, qui vnum solum Deum verum, & quem  
misit Iesum. Christum agnoscat: qui vtriusque  
Testamenti libros vnice amplectatur, tum neq;  
ego Hæretici nomen valde refugiam. Sed cer-  
te hæreticum eum non dicetis.

At à fide aberrat, inquitis. An aberrare eum  
à fide dicetis, qui in solum Christum fidem col-  
locat suam? Magnus, nuper, verus & sanus  
Theologus, Martinus Bucerus, dicere solebat,  
Nunquam se aliquem cõdemnaturum, in quo  
aliquid Christi esse animaduerneret: Sed illud  
quod Christi in eo esset, amplexurum, & hoc  
nomine fratrem lucif. cere conaturum. Verè  
Christiana vox, quam vtinam nescio quæ ho-  
die Theologorum purgamenta, filij Belial, tan-  
dem sequerentur.

Sed huius Viri auctoritate video vos non  
commoueri; Nec ego: pietate, caritate com-  
moueor. Auctoritate D. Pauli commoueor:  
Fundamentum, inquit, nemo aliud potest po-  
nere, præter id, quod positum est: quod est  
Christus Iesus. Si quis autem super ædificat su-  
per fundamentum hoc, aurum, argentum, la-  
pides pretiosos, ligna, fœnum, stipulam, vnius-  
cuiusq; op<sup>9</sup> manifestum erit: Dies enim Domi-  
ni declarabit, &c. Si cuius opus manserit, mer-  
cedem accipiet: Si cui<sup>9</sup> optis arserit, detrimen-  
tum patietur. Ipse autem saluus erit, sic tamen  
quasi per ignem.

Hoc fundamentum, Christum Iesum, Rex  
posuit, & penitus posuiffe, vita, labores, peri-  
cula.

cula, & rumen, pro eo toleratæ, passam faciunt.  
Si quid superædificatum, quod fundamento  
non respondeat, ostendite & docete, si potestis;  
aut id in Diem Domini relinquit. Ille, proba-  
bit, purgabitq; : Sed fundamentum manebit  
immutum, & in hoc fundamento, etiam qui  
fœnum, stipulamq;, ignis pabula, super ædifi-  
cauerit, saluus erit.

Nos vnum crucifixum, & verè pro nobis cru-  
cifixum Iesum Christum, nouimus, in eo solo  
acquiescim⁹, eo solo cum D. Paulo gloriamur.  
Vos si plures, si innumeros Christos nostis, si  
Sanctorum turbam nostis, non inuidemus. Si-  
nite nos vno illo nostro contentos viuere, mul-  
titudine vestra, gaudete. Solum ea nouimus, &  
vix tamen nouimus, quæ sacris libris Deus per  
Spiritus sanctum nobis aperuit. Vos, si quid  
scitis amplius, & si quid post Apostolos, à Spi-  
ritu sancto, Ecclesia vestra habuit, aut docete  
illa nos miseros, docete, inquam, in fide & di-  
lectione per Iesum Christum: aut, si tam hebe-  
tes sumus, vt assequi illa mens nostra non pos-  
sit, condolete, si Christi estis, & orate Deum, vt  
aperire nobis oculos mentis velit.

Pergitis: Pontificis primatum non agnoscit,  
& Ecclesiæ Romanæ Cæremonias non sequitur.  
Quid hoc ad fundamentum? Neq; Pontificem,  
neq; Romanam Ecclesiam fundamentum vo-  
bis Paulus posuit: imo totâ scriptura sacrâ ne  
verbum quidem de Pontifice Romano inueni-  
as, & Romanam Ecclesiam leges, vt Corin-



thiorum, vt Colloſienſium, Ephęſiorum, alijs.  
Nos, quęſo, ne patiamur nos ab fundamento  
illo æternō I E S V C H R I S T O abduci, & ad  
homines traduci, id eſt, pro fundamento, fœ-  
num & ſtipulas collocare: leue fundamentum,  
& quod in die illo Domini, non perſtabit.

Sed de Pontificis primatu magna quæſtio  
eſt, & alijs expoſita. Nec eam ego hic tangam,  
niſi hoc ſummo digito. Primatum habere ſe à  
D. Petro Pontifex iactat, Sed primatum in D.  
Petro, nec D. Paulus agnouit: nec tamen cum  
pro hæretico, aut Apoſtoli, aut Eccleſia habue-  
runt. Nam cū vidiffent, inquit ipſe Paulus,  
quod creditum eſt mihi Euangelium præputij,  
ſicut & Petro circumciſionis (qui enim opera-  
tus eſt in Petro in Apoſtolatum circumciſionis,  
operatus eſt & mihi inter gentes) & cum co-  
gnouiſſent gratiam, quæ data eſt mihi, Iacobus  
& Cephas, & Iohannes, qui videbantur colum-  
næ eſſe, dexteræ ſocietatis dederunt mihi, &  
Barrabæ, &c. Petrum ad Iudæos ablegat: ſibi,  
commendatos gentiles.

Cicero, ni fallor, errare cum Platone ma-  
uult, quàm rectè ſentire cum alijs: Rex noſter  
cum D. Paulo, hæreticus eſſe, quàm cum Papa  
Orthodoxus: Si quis eſſe & cum D. Paulo hæ-  
reticus, & cum Papâ, contra D. Paulum Or-  
thodoxus poteſt.

c. nullus

99. diſt.

Gregori⁹

paſſim,

Sed eodem Argumento, hæreticos dicetis  
Pelagium 11. & Gregorium Papas, qui & pri-  
matum illum auerſati ſunt, Et Episcopos om-

nes



nes pro fratribus habuerunt. Errare autem Papam non posse, apud vos constat: multo minus in hæresin cadere.

Addam & hoc cum bona venia tua, Lector, ex Concilio Chalcedonensi. Primum gradum Episcopo Romano, olim concessum, propter vrbis dignitatem, quæ Imperium tenebat. Imperio Constantinopolim translato, cum esset orta controuersia inter Episcopum Romanum & Constantinopolitanum Patriarcham patrum sententijs, hunc illi exæquatum. Nunc autem extincto Romæ Imperio, & Constantinopoli à Tyranno Turcico infessa, quis dubitet sublatam vtriusq; dignitatem? Nisi forte, latam à Phoca Parricida sententiam Pontifex, vrget. Hoc illi per me liceat.

Venio ad Cæremonias, quæ vt nec religionem faciunt, ita nec hæreticum. Nam Cæremonias de essentia Religionis esse, nemo facile dixerit: & hæ sunt plerumque quæ illi fundamento superædificantur, ligna, fœnum, stipula.

Iam Rex, si quid aliàs errat, facilem se præbet: doceri cupit: & hoc est ab hæretico omnino alienum: Errare hominis est: ex errore vellem emergere, hominis est ingenui & probi. Docemus, inquitis, Certe docetis gladio & igni: & hac Via operam luditis.

*Medias acies, mediosq; per ignes  
Inuenere viam.*

Sed nos furiosas istas mentes tandem depō-  
namus: & virilem Consulis Basiliensis sen-  
tentiam imitemur. Excommunicatus fuerat  
à P.P. Ludouicus Bauarus Imp. hunc nihilomi-  
nus sequebantur Basilienses. Carolo IV. ele-  
cto, Pontifex, mortuo Ludouico, Episcopo  
Bambergenſi mandat, vt eos, qui Ludouicum  
ſequuti eſſent abſolueret: Baſileam Episcopus  
venit, abſolutionem offert Senatui: Tūc Con-  
ſul, præſente Carolo Imp. Domine Bamber-  
genſis, inquit, ſciatis, quod nec ſateri nec crede-  
re volumus, Dominum noſtrum Ludouicum,  
Imp. Romanum vnquam fuiſſe hæreticum, &  
quemcunq; Imperij Electores nobis dederint,  
hunc recipimus, etiamſi nunquam Papam re-  
quirat.

Et nos, quem nobis Deus, Natura, Legesq;  
Francorum dederunt Regem, eum Regem &  
Dominum habeamus: neque Hæreticum eum  
credamus, Sed cogitemus eundem nos DEVM,  
eundem CHRISTVM colere: ad eandem eter-  
nam beatamq; Vitam adſpirare. Si quid minus  
conuenit, in medio ſunt Libri ſacri: Inuocato  
Deo, animo ad caritatem propenſo, tentemus  
vias Pacis. Aderit, vocatus. Sin nondum tem-  
pus illud aduenit, quo componi diſſidentes opi-  
niones poſſint, amemus tamen inuicem in vno  
illo Deo, in vno Chriſto, quem ſolum omnes  
colimus, in quo ſolo omnes ſperamus: & di-  
ſputationis finis ſit, qui fuit fratrum Hiero-  
ſolymis & Pauli: Dexteras ſocietati demus in-  
uicem

vicem, & pauperum memores simus, id est,  
charitatis officia excolamus, atq; ex D. Pauli  
Præcepto, stultas & sine disciplina quæstiones,  
& pugnas verborum deuitemus, ad nihil utiles  
nisi ad subuersionem audientium.

Illuc venio, propter hæresin, non abrum-  
pendam esse fidem Regi aut Domino debitam,  
neq; quenquam successionē debita arcendum.  
Et hic quæro: Quales fuerint Cæsares, Impe-  
ratores, Reges, quibus & tributum soluit Chri-  
stus, quibus obedientiam reddere, pro quibus  
preces fundere Apostoli iubent? Nempe infi-  
deles: non in fide errantes, sed à fide alieni, sed  
fidei hostes. Quales illi Imperatores, sub qui-  
bus maxime floruit Ecclesia, quæ tot excellen-  
tes Doctores, tot diuinos Martyres tulit? Nem-  
pe infideles, fidei fideliumque hostes acer-  
rimi.

Christi & Apostolorum verba supra retuli.  
Hic Tertullianum audi, primæ illius & Sanctæ  
Ecclesiæ Doctorem. Christianus nullius est  
hostis, nedum Imperatoris (loquitur ille, illis  
fidei hostibus) quem sciens à Deo constitui,  
necesse est, vt & ipsum diligit, & reueretur &  
honorat, & saluum velit, cum toto Rom. Im-  
perio, &c.

Nempe vos ad istam normam viuitis, doce-  
tis! qui Reges vestros reijcitis, armis oppu-  
gnatis, per fraudem & scelus interficitis!. Non  
ita illi, illi non ore & labijs extremis Christiani,  
Sed verè solideq; Christiani: Imperatores qua-

les quales essent , pro Dominis habebant , illis tributa soluebant , ab illis Imperata faciebant , sub illis militabant.

Testis nobilis illa Legio , cui & obedientia in Imperatorem , & pietas in Deum , & ob pietatem , à Deo miraculum , Fulminatrici nomen fecit.

Veteres illi nostri Francorum Reges , qui hoc Imperium condiderunt , quod iam annos mille ducentos stetit , floruitq; , & absq; perfidia vestra floreret hodie , scilicet Christiani erant ?

Retiolve & sacram Iudaici Regni historiam , Reges inuenies à cunctu diuino deficientes , populum ad Deos alienos trahentes ; Inuenies & Prophetas , à Deo missos , & Sacerdotes à Deo constitutos , vitia illorum seuerè accusantes , diuinas pœnas libere denunciantes : ad seditionem & rebellionem populum vocantem , nullum inuenies.

Quid Ieremias ? Quærite , inquit , pacem Ciuitatis , ad quam transigrare vos feci , & orate pro ea ad Dominum . Iubet populum Deo pro Imperio Babylonico , & ciuitate in qua captiui erant , orare : & prohibet deinde audire Prophetas & diuinos , quos Deus non miserit , id est , Sorbonistas , Monachos , Iesuitas , &c. Qui seditionem canunt , & populum incendunt . Si pro extero Rege , qui vi populum detinebat , orare populum suum Deus vult : quanto vobis magis , pro vero & legitimo Rege , qui pacem restituere Regno parat , orandum patatis.

Neq;

Neq; Paul<sup>o</sup> post. Christianos qui Dominis 1. Tim. 6.  
Ethnicis seruiabant, liberat: sed iubet dicto  
audientes esse, & in honore habere Dominos,  
ne nomen Domini & doctrina blasphemetur.

In Regno autem Galliarum, iam à multis annis  
Regum constitutionibus, religionem reformatam  
professi, parentibus, alijsq;, quamuis Pontificijs,  
succedunt: nec exheredare, ob causam  
religionis licet.

Et memorabile est, quòd cum quidam Iohannes Tanquerellus Theologiæ Baccalaureus  
in disputatione publica inter alia tenuisset,  
Regem aut Principem sanguinis fortè à Religione  
Cathol. Apostolica. Rom. discedentem, posse à Papa,  
Regno, aut iure suo in Regnum priuari: Senatus  
Parisiensis Anno 1561. die 2. Dec: pronunciauit:  
Dictum Tanquerellum, aut eo absente Bedellum  
facultatis Theologicæ in Collegio Sorbonæ,  
præsentib<sup>9</sup> Decano & Doctorib. facultatis  
Theologicæ, atq; vno ex præsentib<sup>9</sup> Senat<sup>o</sup>,  
duobus, Senatorib<sup>9</sup>, & Regis procuratore  
generali, declaraturum, dicto Tanquerello  
displicere, quòd talè propositionè tenuerit,  
idq; imprudenter & inconsiderate fecisse,  
cum còtrarium omni modo verum sit. Præterea  
humilissime petiturum à Rege, vt ignoscat &  
veniam iniuriæ det. Simul Senatui prohibiturum,  
ne talia deinceps aut similia proponantur.  
Et duos è Doctoribus Sorbonæ, ad id deputatos,  
ad Regem ituros, qui gratiam & veniam  
Collegio humilissime petant.

Eodem die è Senatu delecti ad hanc rem  
fuere, Christophorus Tuanus, præses, Carolus  
Dormanſius, & Bartholomæus Fayus, Sena-  
tores.

Vides, lector, vt paulatim peſtes illæ Regno-  
rum, ſpargere Venenum ſuum, & id mentibus  
hominum inſtillare cœperint. Poſtquam diſ-  
putare iſta publice non licuit, per emiſſarios  
ſuos ſacrificulos & Concionatores inſuſurrare  
plebeculæ non deſtiterunt. Et aliquot paucis  
annis ante hoc bellum motum, Baccalaureus  
etiam quidam, Theſes in Collegio Sorbonico  
publice proponere auſus eſt, inſcriptas Abbati  
Cluniacenſi, Cardinalis Lotharingici notho,  
quibus defendebat, licere populo Reges hære-  
ricos Regno deijcere, pellere, interficere. Ad  
id, vt par erat, commoto Rege, ille ne forte ca-  
ptus, auctores tam ſcelerati dogmatis prode-  
ret, ſubito interfectus eſt.

Scilicet hæc cum Chriſti, cum D. Pauli,  
D. Petri, doctrina conueniunt. Certe ſi hanc,  
veluti ianuam, aperueris ſeditioni, iam nullum  
Imperium tam bene conſtitutum, nulla fides  
tam ſancta, nulla ſocietas tam arcta, quin eam,  
hæreſis prætextus ſoluat.

Sed hoc quærunt iſti: omnia miſceri, omnia  
turbari volunt, vt res ſuas interim agant, &  
ambitionem extatiant. Si illis hoc ſemel, Re-  
ges Principesq; Chriſtiani, dederitis, iam & in  
vos veſtraq; inuolabunt: Iam Angliæ Regnum  
( & hoc tentarunt ſæpius ) iam Daniæ, iam  
Sueciæ,

Sueciæ, iam Scotiæ : iam Electoratus, iam Principatus Imperij, iam Respublicas, iam & priuati cuiusq; facultates inuadent, & partientur inter se.

Ecce Iametium puellę ducissę Bullionij, vir fortis, nemine (pro pudor) se commouente, obsidione mensium XVI. Lotharingus eripuit. Quo iure? Iametium opportuno ipsi loco situm, & ipsa puella Hæretica est. Quicumq; opulentum Regnū aut Prouinciam, aut facultates habuerit amplas, is continuo hæreticus erit Hispano & Lotharingis.

Ita Salusensem Marchionatum Sabaudus, ne forte in Hæreticorum potestatem veniret, homo pius & prouidus, inualit : Quem vtinam uti bene cœperant, ita seridò castigassent, eius vicini. Sed  $\phi \lambda \alpha \gamma \mu \alpha \iota \nu \sigma \omega \acute{\alpha} \rho \iota \nu \rho \acute{\omega} \lambda \epsilon \beta \varsigma$

Hæc quod ad Hæresin, cuius prætextus sanè, apud Plebem non sanam, furialibus superstitionis stimulis actam, plurimum habet momenti.

Reliqua iura videamus. Cardinalis Borbonij causam hic prætereo : quodd doctissimorum virorum scriptis explicata, nihil difficultatis amplius habeat. Etenim & Doctorum sententijs, & exemplis innumeris, video Nepotem ex primogenito, patruo præferri, in eo quod iure primogenituræ venit : nec ipsemet Cardinalis valde contrà iuerit, qui olim iura omnia sua, quæ Borboniæ familiæ nomine competere ipsi possent, nepoti, tum Principi Nauarræ,

colle



cesserit. Et video seni, annorum amplius septuaginta, iam de Regno Cælotum potius, quam de Regno Francorum cogitandum. Nec is aliud est Lotharingis, quam persona, qua detestandam regnandi cupiditatem suam tegant: Namq; nondum eò impudentiæ deuenerunt, ut audeant publicè profiteri, Galliæ se Regnum sibi petere.

Mænius quid hîc quærat, non facile video: nisi forte ambitionis & sceleris Guisij fratris successorem se ferat, viuis Guisij liberis: Si quid sibi aliud, turbato cæca ambitione cerebro, fingit, id integrum ipsi relinquo. Titulum autem Vicarij Coronæ Franciæ, velim scire à quo habeat: Rege viuo, viuis tot Regij Sanguinis Principibus, inter tot Regni procures, unde & à quo titulus hic? nisi fortè à Parisiensi plebecula. Iam si plebi & sæci plebis licuerit, Reges, Regnorumque rectores constituere, Vide-  
dete ciues honesti, Nobiles strenui, procures magnanimi, quid vobis & legitimè constitutis Imperijs atq; Rebus publicis futurum sit.

Pontifex Tyrannidem suam in Gallia inuiolatam vult: hæreticum, Regnum Francorū obtinere, nō vult. Nempe idem ei ius, in Galliam, quod in Regna, quod in Prouincias omnes, de quo supra retulimus, & multi multa dixerunt.

Si tibi, Sixte, hominum salus aded curæ est, cur disseminatis & altis inter Christianos Principes, per maiores tuos, p te, dissensionibus, occupari Mahometanis Aliam, Græciā, Hungari-  
am



am pateris? Cur tot hominum centena millia,  
perdita relinquis? In Turcas thesauros tuos im-  
pende, Regum, Principumque animos, mili-  
tumq; ferrum exacue. Dissidia, quę inter Chri-  
stianos religionis diuersitas peperit, compone  
placidè rationibus legitimis, si Pater es, si Pa-  
stor, Si Christianus, si Homo es.

Sed tu aliam viam ingrederis: Eadem ra-  
tio, quę te in Galliam concitat, eadem te in Ger-  
maniam, & Illustrissimos S.R. Imperij Electo-  
res atque Principes, in Daniam aliasq; Prouin-  
cias excitabit: nisi Deus, quod spero, consilia  
tua, potenti brachio suo, & bonorum Princi-  
pum fœdere, fregerit.

Hispano ius in Galliam idem, quod Pellæo  
iuueni. Et insignibus suis (arma vulgo, vocant)  
orbe n addidit, quem terræ mariaque variant:  
ex eo equus anterioribus pedibus exsilit, cum  
hoc dicto, vnus non sufficit orbis. Neque cer-  
tè sine diuina mente, Catholici nomen ei indi-  
tum, qui complecti, homulus, puluis, & argilla,  
terrarum vniuersitatem velit.

Sed ait, nec posse nec velle pati, vt Franco-  
rum regnum Christianissimum hereticus teneat.  
Stulte, terram illam sanctā, in qua natus, al-  
t<sup>o</sup>q; Christ<sup>o</sup> noster, in qua ob peccata nostra ig-  
nominiosissima morte affect<sup>o</sup>, in qua nos à mor-  
te æterna illi<sup>o</sup> morte liberati sumus, per vim te-  
neri à Turcis pateris: Galliā à Christiano Prin-  
cipe, qui Christum sequitur, amplectitur, qui  
pro Christo mori non recusat: (pro quo tu nihil

vnquam

Vnquam, nisi offulam forte calidiorem gustasti) legitima successione teneri non patieris? Eadem ratione Germanicum Imperium, Angliam, Daniam, Scotiam, Sueciam, Poloniam, Hungariam prouoces: Eadem ratione Catholicus esse velis, id est, vniuersalis orbis Terrarum Rex: Nam hic scopus tuus. Ambitio te peruersa, cæca, transuersum abripit, hominem sexagenarium, cui cras Deo reddenda ratio sit, turbati Christiani orbis, effusi innocentium bonorum, piorumque Sanguinis. Alij me vocant.

Lotharingus & Sabaudus, ius ab vxoribus suum tacite aduocant. Nam ille, defuncti Regis sororem in matrimonio habuit, & ex ea liberos habet complures, quorum natu maximus Marchio Ponti, in spem Regni educatus dicitur. Hic, Hispani filiam, natam & ipsam sorore alia Regis defuncti, duxit Vxorem. Obscurè hæc illi: palam defensionem Catholice Religionis, (quam impugnat nemo) præferunt. Eam causam Lotharingus expeditioni filij sui prætendit, quem in Galliam cum exercitu misit, vt, inquit, Principibus Catholicis ad-

In literis ad Lingo. sit, qui causæ nostræ defensionem in manus nenses, da-sumpserunt.

10. August. & alijs ad nobiles 11. August. Iuri isti à fœminis opponam, perpetuam Regni Gallici consuetudinem, & vsu sententijsq; ordinum confirmatam: de quo multi multa, quæ passim extant. Sed nobilis imprimis controuersia fuit, inter Philippum Valesium

um

um & Eduardum Anglum, dum hic, Matrem,  
Regis Francorum filiam, adducit: ille ius Re-  
gni, quod neque ad fœminas transit, neque per  
feminas transfertur. Philippus, vt iure, ita &  
sententijs vicit. P. Æmilius Veronensis Hi-  
storicus, postquam pompam descripsit, qua  
Lutetiam Rex ingressus est, subiungit, exceptū  
tanquam vindicem Maiestatis Franciæ, legis  
Salicæ assertorem, qua vna, inquit, dignitas li-  
bertasque Francici nominis constaret: ne alic-  
nigenarum imperio, ne exterorum ditione te-  
neri possent Franci, cæteris gentibus Reges le-  
gesque dare soliti.

Et prudenter, prudentissimus auctor Phil. Hist. Lud.  
Cominæus, legem illam, qua fœminæ & à for- XI. caput.  
minis descendentes Regno arcantur, summum 118.  
Dei Beneficium vocat. Certe ea lege nos Ma-  
iores nostri, homines Sapientissimi à femina-  
rum & exterorum imperio vindicarunt: quo-  
rum illud, præter naturam: hoc plerumque  
impotens & sævum. Nos viderimus, ne stulti-  
cia nostra, non in exterorum tantum, sed in ho-  
stium etiam nostrorum seruitutem deuenia-  
mus.

Animosè olim Magnulphus Episcopus, cum  
nescio quis, origine sua altè repetita (quod &  
nostri hodie faciunt, qui Carolum M. atauum 37.  
iactant) Guntramno, & Childeberto Regibus  
molestiam faceret: cumque turbulenti qui-  
dam, inter eos Desiderius, fouerent, Scimus,  
inquit, Regem esse Guntramnum, ac nepotem  
eius:

eius : hunc autem nescimus unde sit. Estote  
ergo parati, & si voluerit Desiderius Dux, hanc  
calamitatem inducere super nos, simili, vt Si-  
gulfus sorte depereat, sitq; omnibus exemplū,  
NE QVIS EXTRANEORVM FRANCO-  
RVM AVDEAT REGNVM VIOLARE.

Scimus ac nouimus Principes nostros : illos  
autem Alpibus, aut Arduenna Sylua erutos ig-  
noremus, nequid nobis maioris mali infe-  
rant.

Sed nec eò impudentiæ deuenerunt, vt pa-  
lam ius illud suum ingerant : obmurmurant  
ista & animos plebis tentant. Interim vi agunt  
Religionis prætextu. Obsecro vos, quid in  
Gallia Religionis Catholicæ defensore est op⁹?  
An non cuique eam sequi atq; amplecti libe-  
rum? An quenquam Rex Christianissimus ad  
religionem suam cogit? an coegit?

Constat, antequam ad hoc Regnum à Deo  
legibusque vocaretur, cum & in familia sua,  
& in Prouincijs quas summo iure tenet, regno  
Nauarræ atq; Bearnia, non tolerasse modò Pon-  
tificios, sed etiam autoritate sua defendisse. Et  
ex quo Regni Francorum successionem cepit,  
nonne Principes Regij Sanguinis, nonne tot  
Nobiles, tot milites, tot Cives Catholici, cum  
eo & sub eo liberè viuunt libertatis suæ certi?  
Name; libertatem eis Rex ipse promissit : Rex,  
cui ludere fide sua, mos non est.

An tibi nunc, Lotharinge, ista quam præ-  
tendis, iusta videtur causa, Regnum Gallicum  
inua-

inuadendi? Er ea tibi fuit Iametium, Bullone-  
Virginis oppidum, arcemque obsidendi, op-  
pugnandi, capiundi causa? Eadem Comitum  
Montis Pelicardi prouinciam, inuadendi, at-  
que deuastandi? Eadem tibi causa erit, Helue-  
tiam, Alsatiamq; petendi: namq; & hæc loca;  
vt tu vis hæretica sunt, & tibi commoda: & si  
alas suas Ambitio tua extendit, eadem ratione  
Angliam, Daniam, Sueciam, Scotiam, Polo-  
niæ atq; Hungariæ magnam partem Transylua-  
niam, imo Orientem totum, Africam atq; Asi-  
am, & illos toto orbe remotos populos petas.

Sed nullum tibi ius tantum in istos omnes,  
quantum in Germaniam. Imperij Princeps,  
saltem cum res tuæ ita ferunt, haberi vis: In  
regno Francorum neque dignitatem neque lo-  
cum obtines. Quid igitur tibi cum Gallia rei  
est? Quin Germaniam tuam purgas, in cuius  
maxima parte, iacet illa Religio tua, quam  
Catholicam dicis?

Sed Regnum hoc putas, tuorum perfidia,  
Hispanicis atq; Pontificijs artibus, expositum  
præde. Falleris: Marchionem Ponti, Gallia  
Regem non feret. Et hoc Deus ne sinerit, vt in  
istius monstri humeros, tanti regni fastigium  
ruat.

Non adeo turbata vestris artibus res Galli-  
ca, vt Lotharingis etiam despectui esse debeat.  
Superest, fida nobilitas, toties victor exercitus,  
& quamuis incertis rebus, amici certi: & si hi  
non sint, superest vltor scelerum, & suorum

E

custos

eustos D<sup>i</sup> v<sup>s</sup>. Idem numen, eadem fides, qua  
Henricum III. Regem Nauarræ, aduersus infi-  
dias vestras seruauit, seruabit & hodiè Henricū  
III. Francorum Regem. Christus Christianis-  
simum Regem non desutuet: contra quem,  
si pugnare pergitis, videbunt iusti, iusta Dei  
iudicia, & latabuntur. Hic ego vos, Principes,  
S. Roman. Imperij Principes appello: Pacem  
Religionis in Imperio prudentissimo consi-  
lio constituistis: Consilium vestrum, vestigia-  
que Rex Christianissimus sequitur. Et hoc per,  
Lotharingæ ducem, Imperij vestri membrum,  
Regi in regno suo non licebit? Hoc, si impro-  
bare statuta Imperij atque condemnare aperte  
non est, quid sit bona consilia corrumpere,  
nescio.

Sed vos, Reges Principesq; castigate, qua-  
so, nouum hunc Religionis Romanæ defensor-  
rem: Atq; ite obuiam & prætorque te iniuriæ  
collum, antequam ad vos perueniat. Nox ruit:  
& vos, alij consultando, alij aliud agendo du-  
citis tempus: Interim illi armis in Regna-  
ruunt.

Te Deus optime Maxime, qui Francorum  
Regnum, annos amplius mille ducentos ser-  
uasti, auxisti: Te Christe cuius Sanctum no-  
men profitemur, cuius puram doctrinam se-  
quimur, precor, venerorque vt cum hoc Re-  
gno Regem quem nobis dedisti, vti fecisti ha-  
tenus, tucaris & protegas.

Tua est, DOMINE, magnificentia,  
potentia, & gloria, atq; Victoria, & tibi  
laus. Cuncta enim, qua in caelo sunt, & in  
terra, tua sunt: tuum DOMINE Regnum,  
& tu es super omnes Principes. Tua diuitia,  
& tua est gloria: tu dominaris omnium, In  
manu tua virtus & potetia. In manu tua vir-  
tus & magnitudo & imperium omnium.  
Nunc igitur DOMINE, confitemur  
tibi & laudamus nomen tuum in cly-  
tum, in Secula Seculorum

AMEN.

FINIS.













